

心豐縣志卷十

人物志中 質行 隱逸 旌善

質行

明

曹栢純一無偽家貧薄暮見一人懷金醉臥道傍乃掖歸寢
夜半其人醒探懷失金大哭曰忘所貸金栢責以不謹還
其金遣之 見府志

吳昌嵩邑庠生孝友端方敦行古道生平一字不入公門邑
令陳琦舉賓延有以嵩名上者曰須核實苟非其人寧快
典久之悉嵩行誼不愧更老三舉 賓皆敦請之 見府志

大高號書樓富而好禮好行其德樂施不倦邑令疊旌之
卒年九十一歲見府志

黃右均性剛介樂與正人交居家嚴肅食指二百餘口內外
秩然都御史林一桂召問之均曰齊家之道均所未聞但
嚴以自持公以待下耳林嗟嘆久之為旌其閭見府志

曹希仕郡庠生幼年失恃事繼母如生母友愛胞弟繼母卒
卒居喪盡禮不事華靡人慕其義巡方使者訪良善旌之
見舊志

宋九經號六雷端莊孝友篤行純修年逾六袞好學不倦不
趨勢要澹然無欲有古隱君子風見舊志

黃譽嚴毅自持居家以禮巡按御史曹汴新任有按鏢害之
者曹訪于其家適諸婦會飲於庭俄而女童抱一小兒至
諸婦皆立不敢高聲曹異而問之曰小兒乃叔行也曹嘆
曰家範嚴整得其為人矣特旌之見舊志

陳思寧謙和厚重樂揚人善不欲暴人惡有人盜其山利或
以告寧曰彼為貧耳公母張令彼無地自容也盜聞之感
泣自新舉冠帶飲賓見舊志

曹宦榮持已謙和善解紛不暴人短不誇己長恂恂戚里中
有長者風巡按御史旌其閭見舊志

國朝

戴應華字履宇八歲失怙恃依姊夫鄭紫峰比長友愛慈祥
順治十四年巡按許公世昌採訪良善紳耆共推華扶杖
登堂優禮存問以風兩郡

郭正善至性誠慤素行彰聞順治十三年巡按聶重光訪得
其人特加獎賞以勵末俗見舊志

張集浩字季穆敦樸恭儉敬事二親鄉黨稱長者兩舉良善
巡按不應順治十六年巡按李之粹三舉之特旌其閭見
舊志

鍾體久國學生讀書敦行事繼母克盡孝道謙恭處眾排難
解紛鄉鄰有爭者談言微中無不立解閭里仰其善行至

今稱之見舊志

陸科詔字少梅絕去俗尚足跡不履城市居家日以課子訓
孫為樂年九十有七卒見舊志

郭逢辰字堯日天性孝友粵寇王割耳攻破各鄉圍砦執其
兄逢年索金逢辰詣賊營願以身代兄為質拘禁數十日
官兵至乃得脫其友愛如此生平好施不倦康熙甲申邑
大饑煮糜以濟困乏資以生全者甚多郡守嘉之舉鄉飲
正賓所建津橋舟渡至今多道說其名者

陳國遠字道明賦性質樸篤于天倫事母以孝聞濟困周急
行善樂施里黨稱道無間言三舉飲賓

郭孟祥字敬吾行端方樂善好施有貸其財不能償者陰焚其券不欲市義崇禎間山寇竊發將犯其境群相謂曰此郭善人所居地也誠勿擾之邑令王六如首舉賓筵旌其閩曾孫鍾英舉于鄉

黃清字西泉世以厚德見推鄉里清尤恂恂恭謹爲善惟恐人知歲饑屢出穀助賑有譽之者則皇然謝曰此不足道也吾豈藉此以邀名乎足跡不入官府時舉龐德遺安語爲子孫勗年百歲屢舉鄉飲賓萬歷六年巡按御史趙奉詔賜天下耆老粟帛謂清禮讓飭躬樂善不倦以棹襖表其閩曰熙朝通德

郭顯湖字華國仁慈長厚鄉黨中貧乏受其調卹甚衆義方訓子諸嗣在庠序者皆有聲

黃尚悠字瓊生八齡失恃事繼母無異生母居恒慷慨好施不倦容無德色年七十有五以無疾終

黃天秩字用品爲人直躬持正四齡失恃能善事繼母執親喪哀毀盡禮與伯兄手足相扶持鄉黨有所爭質一言排解立爲平釋族有私隱田賦以陷衆均納者秩爲清理使不得抵冒衆愈服其公明捐貲建祠以妥先靈教子後文藝而先品行入學之初即戒其勿事干謁其後有登賢書貢太學者皆恪遵無失夫婦年臻耄耋無疾而終

陳昌齊字載韶資性穎悟弱冠補弟子員篤于孝友嘗漕運父老疾不能歷風霜昌齊陳情願以身代晚年喜修安期羨門之術年八十餘無疾而終

黃德仁字禮賓孝友慷慨好義丙辰之歲寇攻劫圍寨以索餉德仁罄家資以紓難衆賴以全年七十有五以無疾終周斯忠字蓋碩邑庠生丙辰邑中遭寇亂擄掠甚慘斯忠不惜千金給賊使去鄉黨比焉

黃樹邦字帝畿好行善丙辰歲亂諸弟避難乏食父母憂甚遂悉所積金與弟以慰親心鄉人有顧姓者市由既得猝遭瘋疾邦聞其母寡即以資劑還之

吳先登字文岍言不妄發動必循禮康熙十三年邑紳士共推舉以禮賓之

饒席上字宏基素行醇樸而才智過人少習儒業兼究心素問諸書惟以濟世不以網利所全者衆居家訖其子光昌光暉等以正戒以非義不取故皆以韋布見重於人卒能以計書啓後三孫列庠序有名

謝君寅字如賓號敬甫事二親承歡養志力建祖祠以昭先祀與諸弟友愛怡怡無間訓後有方以是子孫多成立平生樂善慕義修舉道路橋梁無市名意燕江集場舊有閣爲一方保障圯爲礫壤乃獨修復之壯觀巍然往來者咸

傳傳鼎三
卷二十一
羨嘆焉鄉人屢以飲賓請不就以子昌贈儒林郎享年八十四終

謝君寧字作霖性剛正好義邑小江界龍南定南三邑康熙丙子丁丑之交土寇猖獗燃火劫掠汚逼婦女鄉民逃竄殆盡莫敢先發適郡軍廳胡署邑篆君寧奮不顧身指呈賊黨得剪渠魁鄉里安堵至今感祝

許灝字效梁性質實家貧經商自給然喜讀書能強記頗知詩行途客邸間雖極艱辛而以吟咏自適居家孝友處衆謙和敦龐樸茂之氣見於言貌然不阿所好不比匪人隣里有爭端情勸諭皆重其誠篤而聽從焉如戚故人之窮

窘者囊橐無餘亦量分給之于國棟邑庠生亦以行誼見重於人

謝國冠字從周家貧孝事孀母沒身不衰交遊間有攜其金二十餘者雖察知之絕口不言其人慚逸去後數年歸袖金倍償國冠卒不自占前失金事悉推不受太和醫士王某治病小江積金十餘為里中惡少所賺去國冠與王頗友好憫其窮如數代歸之小江集場臨溪多暴漲為造橋梁以便往來里人欲立碑以著其名竟辭之其心以是為不足著也

謝虞賓性耿慨和平與人無忤兄弟同居五世食指千餘咸

凜其訓耕讀工賈各供職業凡祠祭建置力爲倡率當歲
寢即登遇故人子弟有窮乏者量有無以分賑雖未身受
者亦感其誠士大夫廉得其實登舉賓筵堅辭不就曰豈
可妄受人尊已以立名屆年六十名流競以詩侑之

黃檇字欽聖少穎悟善學以貧故易業事父母以孝聞遇親
喪哀毀骨立年四十一卒妻謝氏撫育三子教以成立次
子仲昌尤善家政痛父早歿上承嫠母之歡下盡友恭之
誼亦年未五十而逝遺妻劉氏代事老姑教育諸雛稱慈
孝無間言大兩代孀居皆能裕家訓子與仇湛齊芳未必
非欽聖父子德行之所致也今次孫賜珮貴擢州同兩世
均沐覃恩人皆謂其發祥有自云

謝君輝字子素讀書能明大義爲諸生時兢兢以禮法自繩
敦孝友尚氣節隻字不入公門生平謙虛接物遇端方子
弟敬禮有加或以橫逆來則以至性語柔之令其自化鄉
黨匱乏丐其膏潤輒慷慨無吝心救急扶危人感其德子
若孫成名甚衆殆積善之報云

吳頴達字志遠誠樸不欺佃戶尹姓者嘗負租鬻產而以其
半償之半以償他債主他債主必盡所有乃止佃窘甚欲
自盡頴達知之召還其鏹俾以予之平居里黨緩急雖力
有未逮必設方周卹積逋多焚其券人有長厚之稱年八

十終

曹濟芳字秀簾資秉質直孝友性成喜怒不形于色家饒於
貲居躬恒若寒素雅嗜學屏去翬塵日惟扃戶課子族戚
鮮有晤其面者

吳應卿郡庠生性至孝執繼母喪哀毀骨立三年不入內寢
居鄉好義樂施閭里無不德之卒年八十子孫遞列庠序
謝啓鈞字天山仁厚直樸言諾不苟循循于規矩喜與正人
君子居生平孝友出于天性生母亡事繼母愈加敬謹子
姓輯睦內外肅雍延師教子一生不干外事乾隆元年舉

鄉飲賓

黃日曜字朱霞謹身事親家貧嘗負米百里外以供父母養
殮昆弟六人同甘苦并力合作融融一堂年四十始婚配
生子終不以室家故間兄弟之歡生平言諾循性無幾微
矯飾鄉里有爭或就質必中其情嘗修築陂塘以備一鄉
旱潦族黨有義舉輒身先之訓子以讀書修行爲務年七
十有四終子占鰲登進士

殷輅字汝樸家頗饒財而胸度寬廣好施嘗購田以贍王母
渡口舟子復購田宅於安遠之龍頭本邑之安息昇族人
畊而食焉族黨姻親子弟不能訓者爲延師給其膳修不
與世爭毫末受知于邑令方正玉給棹楔嘉獎之以子志

懷邀封典

陳堅字石亭邑增生少魯鈍受業于上猶鄉貢士朱熹敬讀書常徹晝夜一姊早寡矢節堅姊弟二人慶弔謹慈鄉黨稱慕二親髦髻愉怡承歡親卒臥起喪次泣血三年未嘗見齒教訓子若孫即幼孩皆進退以禮雖盛暑不敢褻衣接筵賓客坐無譁者家非素封雖謹身節用貧者借貸亦量力而施未嘗請取直年八十餘朔望必詣祠墓拜掃邑侯陳乃志舉爲上賓曰志宰信數年今乃知此翁真可以正風俗勵士氣也

慶天詔字命先孝友素著好善樂施雖務商不與市井同臭處族里雍睦寡言人皆稱之

郭師淳字去華國學生家世淳樸兄弟群從雍睦一堂待人以恕而善爲排解同里李某嘗耕張姓租石而田本則賃之自劉李積年租利未酬而徙居贛地張劉二家互爭其田師淳乃勸劉出金以償張逋租而以田歸劉爭乃得釋又劉氏兄弟爭田廬山塘界址至拚死相賊殺師淳諭以理而調停之鄉黨悉多其公平事必質成遇貧困及喪葬不自給者力爲推解橋梁津渡捐施不吝嘗輸貲助修郡學郡守劉公有宮墻著績之褒云

謝爲舉至性肫篤父早卒與母廬相依廬垂老有羸疾參桂

之屬竭蹶以供朝夕省視不離床簀者三年異母兄文思父在時出爲人後所後者死文思不能自給爲舉遂以已田宅給之妻張氏事姑能賢孝夜半烹藥進食無違刻漏久而彌勤夫弟爲姑鍾愛爲納幼妾因命張鞠之張秉家政財物纖微不入已私與爲舉俱年八十

周超宗次侯邑庠生居家寒素清節自安不以俗氛汚行躬居不與外事至邑有公舉如修崇聖祠清雙節祠地立社倉之類則極力經營不爲身計嗜春秋左氏傳編爲分圖便覽年八十二終子孫三列庠序

黃文常孝友性成端方毅立處鄰里不以阿好事繼母如所

生撫幼姪勝已于鄉黨稱之

隱逸

明

劉貴一字均佑生元明間詩文清絕築別墅拖膝吟詠其中落落寡合視富貴如浮雲不應州里之辟

俞通字用中少有志操選寧府儀賓不就隱居七里築畊雲釣月軒日事吟咏詩詞清逸自號養氣翁

鄧宗堯字大章端重純篤子史百家罔不研究尤遠於易築長岡書屋著有長岡集隱居樂志放情於山巔水涯之間不求聞達終其身泊如也

見府志

張立中字覺定生有異質少孤元亂隱山谷間明興優恤遺老舉隱逸俱辭不赴 見府志

李五行號藍田幼英敏爲人所器重長棄舉子業以隱遯自

高水北坊龍州壩有竹林釣臺遺址 見府志

張省字悟充性樸雅嗜古讀書構松塘別墅衡門泌水有自得之樂終其身居焉 見舊志

馬自光能文善書多畜名入墨蹟終日臨池不倦愛作擘窠大字尤好古文詞間以已意爲之不失步驟所著有號寒集 見舊志

姚文選字石夫號雲衢性倜儻不樂科名娛情山水善詩工畫遊覽幾半天下與陳子壯何吾騶兩太史交最善

郭宗儀字天一初名運亨爲邑諸生有智略而恬淡喜讀書丙辰王割耳寇城運亨奮身爲邑令劉治國參謀枕戈固守數月賴兵援至城得以完事平劉上其名於當道運亨固辭隱居北郊金鳳山之麓寄情詩酒與文士高衲相往還托陶南村以自況遂以名焉詩畫俱落落有大家指意尤邃于禪子孔明工繪事得其法

已亥志郭運亨載忠義郭宗儀載隱逸一人而分爲二殊未當全正之獨人隱逸者成其志也志安恬退蕭然

高寄固其所樂少年豪俠之爲視如敝屣矣因弃其輕而從其重

俞嶠字巨山性疎散不以世故嬰懷抱山水樹木彷彿於李咸熙帝偃倪雲林諸名家悠然神會隨意漫興得者歲弄相夸尚喜奕四方走書幣求畫者麋至悉所入恒不足以供旦夕局中之一賣也觀察凌公樞使唐公書法繪事妙絕一時喜招致號人逸士相與流連嶠初無拘繫聞雲野鶴飄然遠近之間遊跡所至吳楚間粵名勝悉收入奚囊中晚歸而青鞋短袴行步若飛空山野水之濱吟嘯自若意之所適又不能外云弟臨亦工書終身不娶課學以給

兄嫂

旌善

明

曹黻景泰中捐粟賑荒授七品冠帶

俞執中景泰天順屢助粟賑濟璽書旌表 見府志

黃綸字孟經疎財好義明景恭間捐粟救荒贈以義官又捐金修葺儒學載在碑記

甘和昂天順中屢助粟賑濟璽書旌表 見府志

劉國清樂善好施邑之城郭寺觀道路橋梁修葺不計貲疾不能醫者藥之死不能殮者殯之寒施衣荒施穀自恨未

讀書延名師教其子孫皆列庠序院道訪其品誼疊旌之
 鄧蓮溪家頗裕素好義每歲必開倉發粟減價市之有販賣
 者溪曰吾以濟鄉里且不足若任販糴豈不去鄉黨數十
 戶之炊乎却之見舊志

朱宸亨字紫垣資性弘毅有古長者風崇禎九年邑大饑捐
 倉米賑濟存活多人邑令具狀聞院司道府皆旌獎凡增城
 開濠修橋築堤悉捐已資壽七十五終

藍友五字桂山好義急公明崇禎十四年勅修龍南安遠城
 垣友五捐運米粟以充公用縣申其事于上給匾旌之曰
 馴良足法又捐田租 石膳七里渡船勤碑紀之

國朝

劉國正字定一謙退長厚嘉定橋圯捐千金與行僧日御謀
 修吳邑令鄉舉飲賓壽八十三終

戴應旌字玉衡勇於為善戊子歲大饑捐粟賑濟橋梁道路
 不時修葺順治十二年舉鄉飲賓壽八十五而終

劉應卿字采臣篤於友愛祖父好施應卿繼其志歲久不倦
 年八十以壽終

黃尚灝字鑑明邑庠生尚義輕財捐金建祠修譜其兄早逝
 視姪如已子婚娶教養靡不周備姪亡復撫其幼孤如撫
 姪年踰七十夫婦偕老

戴啓元字長卿，有王姓者目雙瞽，苦饑寒，鬻子爲養長。鄉知而憐之，與金贖還其子。

謝建字宏基，貢生孝友，相傳樂善不倦。族戚貧乏者，吉凶多藉其力。每歲春間，酌量減糶。戊辰春，穀價尤昂，編戶嗷嗷，捐穀六百石以賑給之。是年江西值免錢糧，建推廣鴻恩，樂減租稅，毫無德色。

郭德灝字波千，廩貢生，候選訓導。性恬靜，不事浮靡，輕財好義。嘗肄業豫章書院，竭情交遊。後有貴者千里命駕相過，從於鄉人士，則杜門擯跡，謝交而喜。興廢隨廣，學宮繚垣，以石欄泮池而橋之，給田租爲儒學公費，具貲金三百爲瀟溪書院膏火。資當道以好善樂施，舉未及邀議敘而卒。吳廷章國學生，考授州同性任俠，好善樂施，與鎖筒隘爲邑通安。遠孔道橋久傾圮，人多病涉。廷捐已錢五萬，大木千餘，重新之。乾隆十三年里中饑，嘗輸困穀賑濟貧乏，約計八百五十石。鄉里公舉呈縣，求旌。廷章曰：吾本非求名也，却之。

劉廷鳳居心寬厚，性好施與。雍正間捐社穀以備賑荒，又於橋梁道路，逐年修整。生平救急扶危，不計報復，人皆感之。曾尚寶字英三，醇厚存心，與人無忤。足跡不履城市，尤仗義急公。濟人利物，輸茶郵亭以潤行人，設舟津口以資利涉。

鄰里多稱道之

鄒啓禴字元裕樸茂醇古鄉居恂恂人不忍犯以非禮家嘗積穀值歲荒騰貴減價出糶負斗斛者人給一飯生平雅多善行適愜輿情雍正元年舉鄉飲壽今八十八歲康強自若

梁大英字景商太學生雍正二年奉詔勸捐社倉大英倡捐粟五百石于神岡本堡建倉六處分貯身任社長邑令劉錫瓚申詳列憲旌之

鄒淵字漢川太學生候選州同雍正三年捐社穀置倉貯本坊身任社副連年滋息里人德之

鍾文祖能敦古誼嘗於道得遺金追還其主志思利人力行善事修祠編譜及修道路津梁皆不惜資力里有善人之稱

何慶永龐質古心隣里有貧乏不能自存孤弱不能娶者為之調恤營婚道有露骸則瘞之行年九十有四

溫大受華賸以奉雙親而自供菲薄節其餘以周族里之人稱樂善無愧

吳大週國學生誠樸素裕常捐金以建橋修路恤貧民樂於棉衣居家日以義方訓戒子弟族里咸稱其善行云

信豐縣志卷之十

信豐縣志續編

人物志中

質行

隱逸

旌善

質行

謝尹嘉字簡亘孝廉越長子性剛直疾後靡好惡不隨俗而
 樂成人之美隨母之父任母病遠覓良醫躬進湯藥不離
 寢者逾年母卒哀毀奉喪歸父年七十告歸養志十餘年
 葬祭以禮友愛二弟公車之費家室之計一一為之區處
 建書舍嚴課程勗子姪以道義晚年註感應篇勸世親荷
 覃恩七葉衍祥五世同堂元孫多至八人年躋九十卒黃明
 府景曾誌其墓

李金魁年未冠學使侯公峒曾拔弟子員第一順治辛卯中鄉闈副車遭三王構逆安置祖父母與父母於巖壑遣兒避難遠方年五十二赴部就選卒於山左

黃惠蒼號素菴文卓長子秉性剛直承祖父世業散財卹隣善解紛族人敬服生子五皆能監立其四子旭尤孝友寬厚慈惠濟人

謝震字東埜邑庠生善草書清白自守安貧嗜學品行端正一介不取乾隆癸卯邑令王秉亮舉鄉飲介賓

李迪歲貢生幼失恃事繼母如生母祖籍滇昌請諸當道復尚書李金馬鄉賢祠著有自怡集

李荃瑞字周度邑庠生品行高卓度量寬洪與鄉里講讓型仁勗子孫敦行力學尤好施與泚其周卹者衆

謝琨字輯玉童試冠軍補弟子負旋貢成均少穎異個儻不羣乾隆庚午倡建宗祠不憚勞瘁易簣時猶拳拳以先人祭田為念

李元裕字振選家無立錐刻苦力學嗜老莊精岐黃募金尋弟於蜀得本支流落不能歸者十餘人同歸於族負才學一幹而終

謝肇修字挺翼號豐翎尹嘉次子廩貢勅贈文林郎直隸蠡縣知縣生而岐嶷淹雅閎通慷慨有為臨事果毅兩次

倡新學宮勸輸賓興義學友愛同祖弟如同懷勛以道義課子嚴正次子宗服官京邸數以手書警惕之訓諭周詳卒年八十祭酒張錦枝誌其墓

江大儼字鎮黎家貧服賈養親父昔日疾儼紙之習以為常隨兄延津任佐理河工賑務俱臻妥善乾隆丁未邑大饑遠販豆麥散貸戚里課子姪讀書以敦行為先

李相煥字輝明五歲喪父偕兄相燦孝養節母恂恂若孺子然邑中義舉佐兄踴躍絕不居名藍九李明戶糧二十餘石開徵集族人全完有不能輸納者概為墊補訓子得均安和遺意疾革命勿淹柩增兄憂其醇質和愛如此

曹鳳翥歲貢安貧嗜學為文恪守先民矩矱成就子弟甚眾耿介廉讓一事不苟足以風世振俗

施普家貧力學困童試隨父之萬載種山暇則理舊業因寄籍入邑庠年逾八十嘉慶甲子科 欽賜舉人乙丑科會試 欽賜翰林院檢討普不忘桑梓挈家歸原籍終焉

張良態字容舒邑廩生安貧力學淹貫經史賦性渾樸端慤自持言動循禮法足不入公門授徒多所成就遠近仰師範焉

黃牧號笠村文佐孫暎長子生有異質善承祖父家學工筆札貫串經史遊幕山左多年鄉先達紀慎齋先生重其品

締交其篤名望愈重識見益超晚年杜門謝客足不入城
市友愛弟姪課子讀書以立身脩行為要

李鵬登家貧業岐黃父歿於川聞訃哀毀骨立匍匐千里扶
櫬歸葬從姪流寓川省挈之歸教養婚配一如所生

李懋明性嗜艾東鄉文揣摩得其形似生平遇事敢為邑有
義舉不辭勞瘁不避嫌怨為邑人所欽服

謝躍天力田供子職菽水必親奉同胞兄三常追隨作息友
愛至老無間以渾樸敦倫訓誡子孫

李世華貢府學生月餘父卒服習叔父訓事祖母及孀母孝
養不衰讀書曉暢大義為文槩獲先民年六十餘勤學不

倦

李占先武舉人慷慨好義訓生徒與文儒頽頽酒後耳熱遇
人有急難則身任其艱子若弟皆舉於鄉

謝學廣種山芍藥以事父母率弟以義督子以勤重斯文課
孫力學近山鮮諱書者遊庠序自其孫始

李相焟字昭德性剛質直好義佐兄力學不以家務紛其
心培植後進多

賴成簡孝養服賈
發貨價值二
值不欺隱拾人銀票給還之不受

具謝晚年專以讀書課其孫子



李蓄深... 幼失恃... 母愛... 經

經 年

心

黃廷暢字淡天惠蒼三子例貢生天性孝友慷慨好義偕弟

竭力經... 善樂施不務名譽以詩書教後賢

李光郊幼失怙... 有母盡孝兄卒善事寡嫂妻止不再娶

專以讀書教誨其子孫

戴培綱事農圃性樸質處父母兄弟孝友無間言卒年七十

有九

姚捷字兩在邑庠生捐己屋建宗祠和於族黨素明大義

孀寡而子又短折提憫其窮以仲子繼之合爨而食族人

咸稱其友愛

陳學御性端嚴以義方教子不妄交不苟得孝友無間弟早

卒以一子繼之司諭李霽重其品贈以額

補遺

明

三應宣字聖俞明萬曆時人嘗拾遺金於清平門外青龍廟

左其父有珂曰臨財毋苟得恐失者有急難盡往俟之宣

應命有倉皇來覓者曰我父誤傷人命幸准贖罪信產得

金今失之若何因泣下宣還之弗受其謝



隱逸

謝國尊字謙若應奇四子敬承先德學有淵源深於易其所居之堂名六吉時焚香執卷兀坐其中樂道安貧澹然無求以經義啟迪孫子

李中立歲貢生恬靜淡雅性嗜梅時於月白風清坐卧梅樹下獨自嘯咏或拾落片歸而焚熏籠中襲嗅暗香有百梅詩贈炙人口時人號為孤山賸仙

補遺

明

謝元宿明處士器宇不凡淡於仕進隱德屹然為鄉里望屢舉飲賓辭不就年八十考終仲子竹逸識量超然西坡野老鍾瓘記其逸行季子啟名擺脫塵氛見重於學士歐陽雲稱為鹿門高士元宿由百嘉始遷案山今謝氏繁衍皆處士後裔

謝鵬程號成我明季食餼膠庠愛讀周子書胸次瀟灑常如霽月光風其藏修處題曰尋樂並署聯云乾坤萬古機緘自成自化仁義兩端酬酢同我同人裔孫肇清有重修尋樂處記

旌善

黃碩猷樂行善事嘗捐金建宗祠獨力經營不辭勞瘁又捐

租膳牛輒嶺茶亭行人德之

熊光選字茂德醇厚樸謹樂於為善積穀頗豐歲饑減價平糶遠近告糶者不拘多寡皆食之率以為常至今遵行勿替康熙六十年縣方議立社倉值大饑茂德先捐谷百石以助賑多所全活縣令劉錫瓚舉飲賓辭以樂善不倦旌之年八十考終

謝逢貴號平菴經商江南舟泊湖口套岸有少婦因水災為姑迫令他適婦悲號不忍離逢貴解索金濟之婦得全節以養姑負郭七里渡待濟者眾購田以贍舟子行人賴焉乾隆丁未捐金重修文廟倡建賓興義學督修家譜

族人敦雍睦教諸孫勵志詩書咸克成立

李堯字紹湖邑庠生好施與嘉定橋圯於水捐金修葺立膳學田為子孫入庠者膏火之資兩舉鄉飲賓享髦年而卒江啟璜字惟爵躬耕服賈致小康乾隆間牛頸墟築石橋捐金助之又捐租十五石贍南康塘江渡舟子

李相燦字輝光七歲失怙家故貧比長偕弟熺以懋遷起家乾隆丁未脩學宮捐金任勞工竣以羨餘立賓興義學縣令吳士淳旌以額曰有志竟成其他倡復信龍學額碑文於郡城考棚倡修司徒李公祠於瀘昌太平街生平善行大率類此

曹澎彩字飛濤國學生歷管嘉定橋創置田租雍正甲寅橋燬倡捐修葺事載橋譜教子成名本謙本固俱入庠本忠領乾隆庚午鄉薦

謝逢日字朝升貢成均好施與建茶亭修道路歲饑穀捐谷以賑貧困鄉里有紛爭者片言釋之

黃文卓字崑峯碩猷長子以貢授知縣不樂仕進依依膝下仰體父意好善樂施凡城廂盛舉捐金資助族鄰沾實惠焉

陳光斗字象北慷慨樂施乾隆間費千金創平石德星橋又置負郭七里中渡捐租以贍舟子鄉里稱其公正舉飲賓

張明道字聖傳雍正間創水東坊武龍山前公橋砌石為之費金數百經理嘉定橋不辭勞瘁鄉里稱其公直事詳橋譜

謝尹奏字鴻章好行其德鄉里有緩急從不虛人之求子肇楨學使潘芝軒門下士也尹奏卒芝軒銘其墓曰惟公之德薄俗所無好善樂施其庶幾乎

劉澍字雨蘇附貢生性嚴正好施與嘉慶二十三年創建十里堡東角河鞏橋荒年減價平糶鄉隣德之居恒課子讀書以立品敦行三遊庠序二能成立

張天橋樂為善乾隆乙卯邑大饑出其積穀百餘石賑鄉里

嘉慶甲子大旱歉收又捐穀以濟貧乏全活者甚眾
王章錫字蒂封太學生天性醇謹事母甚孝長以貧棄儒後
家道頗饒邑大饑首捐穀百餘石設廠於隍廟減價平糶
族中不能嫁娶者為之經營區畫其殯葬無力者予以殮
埋之費鄉里稱焉

信豐縣志卷十一

人物志下 賢孝 烈婦 節婦

賢孝

安人俞氏贈祠部郎黃堂之妻憲副大節之母也幼隨父宦
邸父口授以書輒通大義年十五歸黃即能順適舅姑意
初一再婉身不育勸堂納妾堂謂婦方少且屢育姑待之
俞不謂然急為置妾陸早夭更置妾姚舅患瘋痺姑患乳
癰皆痼疾俞供修瀝藥餌姑癰潰腥穢不可近俞前滌傳
藥三年不倦姑稱其孝願婦產佳兒舅姑相繼歿俞佐堂
治喪皆盡禮後果舉二子妾姚已先舉子姚卒俞子之如

閩訓以禮自持夫死督家政內言不出外言不入孀居數十載邑侯欲旌之黃曰爲人婦願稱良不願稱節婦節非所幸也辭不受

吳恭人甘中丞士价妻十五歸士价士价家故貧外家庸衆視之吳志甚每語士价第績學自樹寧貧勿倚外氏也士价既學成登第躋華廡多吳之助焉性恭謹多智略士价自維揚憂歸方鳩工建橋盜聚黨夜劫其家燃炬排闥及寢誼呼索士价急吳慮盜挾夫爲質事且不測起決牖潛避他所啓戶仗劍格盜身中五創斷其一指奪盜炬反擲之盜舉火焚其室復挺刃擊走之吉水羅給諫大紘傳所載甚詳其後膺制誥語有云臨難而挺身以全夫格盜而斷指以全節蓋實錄也子一殤先時奉姑就養京邸既歸士价曰君出身幹當公事妾請歸庇家政幸自愛以嗣續爲念一二婢子能續君體猶妾也遂歸後中丞率卒無孑張氏東南里民李邦御之母李効之妻效經商折本流落不能歸遂客死家徒四壁三子俱幼張飲冰茹荼紡績以爲衣食年七十餘終

見舊志

俞氏邑庠生謝肇允之母自機襍許字謝其夫瘖幼時不知

以侍朝夕俞年甫十二父母意不欲遣徵探之俞對曰命也敢衛命乎比歸拜姑於榻前循循盡禮且敬其夫絕無芥蒂姑卒哭盡哀舉二子而夫天亡俞時年二十守志撫二孤孤長課讀以慈母兼嚴父之任人皆以賢母稱焉見府志

吳氏曹封周妻子歸未有翁姑事祖姑如禮及卒相夫經營喪葬封周二十外得疾多眩瞽代夫綜理家政皆有條序封周死督二子就學後皆入泮

祝氏呂仲德妻舅姑早逝獨祖姑在年踰八十齒盡落艱于食祝朝夕以乳乳之左右掖持如嬰兒然里人稱爲賢孝見通志

葉氏廖生揚烈之曾祖母閨範素著享年一百八歲曾玄繞膝皆業儒張邑令繼掄時邑令鵬雲皆有頌言

曹氏曹延湘女戴佩妻孝事舅姑繼母張患疽將危氏日夜禱于神以口取其腐肉遂愈

劉氏庠生黃日電之妻也姑患病氏晝夜侍藥衣不解帶焚香禱天願姑速愈病果痊

錢氏周卜年妻姑梅氏患癰病十餘年氏事之如一日後伯姆亦病癰氏如姑事之邑人稱爲孝義與卜年皆八十終

戴氏生員黃廷從妻性至孝姑日瞽奉養寒暑無間年二十八喪夫教課三子日錦日銘日錕皆成立家素封多分以周里隣年七十終

戴氏黃期昇母子寡孝敬公姑三子皆列名於庠六十四終
應氏庠生郭遵文妻達文早慧父母素鍾愛病篤母憂鬱成疾氏日侍湯藥外慰翁姑各盡婦職夫沒氏含哀飲血計能撫遺孤以稍寬堂上二人之心耳事生送死禮與情畢均雍正十三年子德錕遵例請表節孝得邀旌門之典
廉謝越之妻幼閑婦德及歸謝柔順幽閒值家徒壁立之如節從無幾微見詞色夫習儒幾難卒業氏敬事

舅姑承顏養悉甘淡泊以進甘旨不以拮据紛夫志時女弟未字將變所居以修奩氏聞即傾服飾以贈之毫無難色已雖荆布晏如也生平曉於大義即至戚往來絕口不言家計獨居惟勤婦職性嚴毅寡言笑于親隣相聚雍和以禮其居躬儉約服食美好恒却之而不樂而內政親操家道整齊莫非氏勤儉相夫壺德宜家力也舉三子育範以正姑疾革謂氏曰汝賢孝無比他日後嗣必昌當于其漢中相汝長入太學叔季并登賢書諸孫相繼入膠庠
陳氏歲貢生黃文汾之妻生員陳堅之女也甫嫁事繼姑俞氏篤謹居常侍側凡婢子所不堪者悉以身任之無難色

夫性嚴毅督責無稍間氏毫無忤意獨居則閨不聞人聲
閭里翕然稱孝順誨子慈而以義有好學者則喜形于色
推食之精美者食之而以粗糲自給曰兒等課讀勞心婦
人無擇也其居躬勤約寡言笑人有忤其意者和而不校
性好整潔不為華飾夫喜飲賓客酒雖窘匱無不吐嗟而
辦夫設教四方家政惟氏是理夫晚得足疾凡十餘年每
痛作氏扶持衣不解帶至困不支因得疾以終年六十餘
以子世成封安人

羅氏庠生袁崇修妻授饒州府學訓導袁瑛母也修貧甚氏
織紵以佐家計修死遺子二長子亦亡次即瑛筑焚相俟
常至絕粒族或以窘迫不能育孤勸其改字矢死不二瑛
甫長就傅命受業邑明經俞咨垂之門親率老婢碾糠糲
以供饌具瑛補弟子員食餼稍藉館穀以供甘旨氏荼苦
自甘曰兒無忘絕粒時也瑛後膺康熙三十五年恩貢授
饒州府學訓導以老不就樸茂醇謹推重士林後曾孫鍾
秀登丙辰進士授隣水知縣

王氏謝子奇妻康熙丙辰寇變子奇挈家避亂山寨姑生子
五日姑疾卒氏代乳之旋寨破氏生長子有祥甫半齡度
不能並攜乃舍已子獨挈叔以走及歸則已子為夫所怙
俱保無恙後叔景安既長知其事凡生養死葬視嫂如母

二家子孫各四五十人氏八十一歲終

嚴氏熊夢祥之妻 夢祥屢以經商外出嚴勤操作針紉以事
舅姑不遺餘力 姑患目疾嚴左右扶持朝夕惟謹聞人言
舌舐可痊遂日為舐其翳果得復明夢祥死時嚴年三十
誨子以學曰若父以家計為商若等當以詩書立身訓子
毋徒競市利孫振等遂以學發聲督學李旌之曰坤儀裕
後云

嚴氏監生郭湘之妻年十七歸郭確守閨訓幽閒靜默惟以
孝謹事姑夫嗜交友凡中饋煩劇毫無忤意二十餘尚不
妊夫置妾氏能逮下無妬至二十八歲夫死無子矢志堅
操撫兄翁之子以繼夫後停柩在堂朝夕裝伴十餘年乃
舉喪事皆如禮今年五十

祺壽

湯氏貢生朱映彩之母百歲乾隆十三年建坊

恩賜金緞十六年壽百三歲

旌善

李氏梁大魁母聞邑有社倉之舉遂捐粟五百石以納之
急嫻黨殆女子中好善樂施者

烈婦

元陳有諒妻元太紅巾賊起與女同被執欲污之罵不絕口

皆為賊所殺 見通志

張氏趙昌宋妻歸趙甫數月寇破城被執挾之上馬不從賊

以白刃脇之罵賊愈厲賊憤怒截其兩乳碎裂之 見舊志

劉氏戴蓮妻戊子賊破城恐為所污投井死半月形骸不壞

見府志

曹氏劉照海妻避亂山巖賊勢急知不免抱子墜死越五日

得其尸頭骨已碎而尸不腐 見舊志

甘氏曹鈺妻因亂徙鄉間遇賊執之驅以行氏給賊曰容我

緩行賊信之至一潭窺其深無底遂赴焉 見府志

藍氏謝文炳妻歸寧母家聞夫遇害投池而死 見府志

俞氏為邑人李姓所聘李貧不能娶時值喪亂營 聞其

美者以威脅之女恐為所污登樓自縊 見府志

陳氏黃上彩妻上彩以貧賣卜於外久未歸姑愛之金欲嫁

之氏不從遂箠楚日交下氏執節愈厲久之自縊

節婦

明

葉氏黃信義妻年二十五生子僅二十七日夫亡撫孤守節

正統間有司奏聞旌表 見通志

謝氏張珍妻年二十五夫亡遺孤七月屏去容飾堅志撫孤

歷五十餘年

劉氏朱從政妻年二十夫歿舅姑以劉年少欲嫁之矢志不從備嘗艱苦撫孤又天字其穉孫人咸以苦節稱之

黃氏邑庠生李寬妻年十六寬死無子僅遺一女舅姑憐之欲令改嫁黃曰夫以節義為學我愧節義非婦也遂矢志不移以壽終見通志

錢氏江洪度妻年十六夫亡有遺腹有欲奪其志者不從既生子亦早夭撫其孫壽八十五卒見通志

林氏袁再永妻三十而寡家徒壁立紡績以哺其子後曾少遊膝壽九十餘

吳氏俞彥中妻年二十五而寡繼姑性酷事之甚謹撫孤成立年八十五終

俞氏劉數妻二十一而寡以壽終萬歷甲午旌表

何氏錢鎮芹妻年十八夫亡撫子國欽娶黃氏生孫方半菴欽又死婦姑守節何年踰七十卒乾隆三年建坊旌表見府志

許氏府庠生甘士傑妻年二十七而寡撫遺孤成立萬歷三十二年建坊旌表見通志

何氏吳昌巖妻年二十四夫亡撫二子事繼姑以紡績度日屢被旌獎祀節孝祠見府志

劉氏吳拱冕妻年二十五而寡悲泣表明踰三十年復能視

物奉旨旌獎祀節孝祠見府志

何氏戴用選妻年十九夫死遺腹生子茹荼自甘事姑教子

敬養備至巡按兩旌其閭年七十有一而卒見舊志

袁氏曹禾妻年二十二夫亡撫孤屢經家難百折不回卒以

節終有司頻加旌獎見府志

江氏曹松妻年二十而寡家貧撫孤有成巡按旌之見府志

甘氏吳增光妻年二十五夫歿有子二守志不渝教二子皆

成立御史旌之見府志

謝氏曹榆妻年二十夫亡守節七十而卒見府志

曹氏吳尚賢妻年二十而寡子甫長復天艱苦萬狀紡績自

給人咸哀之見府志

俞氏曹希孟妻年二十一夫歿母憐其少欲嫁之遂終身不

歸寧以壽終見府志

王氏黃華我妻年十九夫亡撫子子復早卒年七十蘇慶院

宏祖旌其閭見舊志

黃氏楊俊甫妻年二十夫死子方歲餘家貧守志不移年七

十有八終見府志

吳氏曹鼎光妻年十九夫亡翁姑相繼喪以憂悴終見府志

郭氏曹培蓋妻年十八守節歷經患難子死孫亡與孫婦相

依以老人稱為一門雙節云見府志

王氏李英考妻年十八夫死撫孤守志備嘗艱苦子楮竭力
事母亦以孝聞 見府志

曾氏許躍龍妻年十九夫死家貧父母欲奪其志以死自誓
卒能撫孤成立克延許祀 見府見

袁氏許某妻年二十夫亡撫一子饗飧不繼緝蠶易食年八
十巡按四旌之 見府志

張氏曾替妻年二十七夫亡撫子生孫而子復死與婦俞氏
相依終身 見府志

錢氏楊日燦妻年十九夫死子甫半齡翁貧使姑探其志跪
泣曰子存母存子亡母亡抱其子誓于燦之靈克全其節
七十餘卒 見府志

曾氏施士毅妻年十九夫亡遺二月孤同族有欲吞其產者
置毒毒兒氏覺兒得不死族復有計謀害之氏防護益嚴
人謂巾幗中之程嬰 見府志

葉氏鍾養虛妻年十九夫歿生一女甫二歲家貧甚寢食惟
居一樓以紡績自贍年八十餘 見府志

曹氏張廩妻年二十五夫亡撫孤自守卒年七十餘撫按屢
旌之

吳氏郡庠生戴上聞妻無子置妾鄭氏葉氏蕭氏各舉一子
俱在襁褓上聞沒吳年二十九鄭年十八葉蕭皆少聞志

撫孤經營婚娶教讀諸子皆得成立有文名人稱四義

國朝

王氏劉士遴妻年二十六而寡奉翁姑克盡孝道撫諸孤治

家嚴肅康熙二十四年建坊旌表 見府志

曹氏黃璟妻年十九夫歿食貧守志六十餘卒 見府志

郭氏錢亨吉妻于歸三月而夫死毀容自矢撫姪中道承祀

為諸生督學使者屢旌之 見府志

嚴氏戴士升妻年十九夫歿生子甫二齡誓志撫孤子復天

悲號自經姑防之得不死乃立姪為後康熙四十五年建

坊旌表 見府志

龔氏黃宗親妻年二十二生子甫三歲夫死七日而姑又喪

治二喪盡禮守節撫孤人稱節孝 見府志

劉氏黃培禹妻年二十而寡澹泊自甘撫孤成立逾六十終

見府志

郭氏歐陽士庶妻年二十二夫歿甘貧守志壽至七十終

府志

甘氏李印發妻年十九夫亡撫二子乾隆三年題准建坊旌

表年九十二卒祀節孝祠 見府志

黃氏曹向榮妻年三十夫歿家貧甚撫二子為諸生郡守旌

之壽七十餘終 見府志

樊氏俞叔度妻年二十四而寡家貧守節撫孤成人題准建坊旌表卒年八十六入祀節孝祠 見府志

謝氏陳大定妻年二十五夫亡守節事繼姑盡孝遺孤先困為邑庠生 見府志

高氏庠生宋國聘之母年三十夫死教子母道而兼父道邑令屢旌之

李氏邑庠生宋士英妻年十八于歸生一子越二載而夫歿遺腹又生一子教育成立年六十七終邑令時雲鵬旌之乾隆元年建坊入祠

戴氏邑庠生黃日銘妻年二十而寡撫一子紡績自給孝事舅姑勤勞訓課子入邑庠

張氏邑庠生陳其煥妻年十九夫歿矢志撫孤備嘗艱苦堅操不移

郭氏俞星卿妻孝廉俞嘉哲之祖母也年十七于歸二十六而寡三子在幼齡時寇亂未靖零丁孤苦以針紉供養殮每值星卿生辰忌日哀泣終日水漿不入口如是者四十餘年壽七十有四

吳氏鍾震宇妻年二十八夫亡生子二家業蕭條每食不飽以菜羹度日張令執中旌之卒年六十有四

謝氏吳世鼎妻年二十三夫歿生子甫一歲事姑撫穉

困苦壽八十人稱節孝

朱氏鄧天輔妻年十九而寡矢志撫孤姬邑令之簋旌其堂
曰冰操流芳

康氏黃傑妻年二十夫死忍死撫孤子天相後補邑庠生
楊氏顧文達妻達赴武闈歿于省會氏年二十無子乃
為後相依為命以苦節終

黃氏庠生顧崇高妻年二十八夫亡生三子俱幼家政皆氏
操理督課三子皆入學

李氏邑庠生劉乾元妻年二十八夫死撫四子成立年七十
當事題額以旌之

李氏王某妻年十八夫死撫孤辛苦壽八十餘

黃氏曹氏黃為錢履道之母曹其妻也黃年十六歸於錢三
載而夫歿時履道尚在遺腹矢志自守後履道成立娶曹
氏米幾履道亦死婦姑堅志死守人謂一門雙節云

戴氏生員郭貞妻年十七適貞三載而貞驟墜貞守志撫一
子教讀成立年七十終邑令鵬雲旌之

曾氏劉相治妻年二十四夫亡遺孤甫四齡復相繼天氏矢
志不移親族欲白其節於當事氏堅辭曰我之為此豈有
所羨於名也耶

曾氏郭大章妻年十九夫歿撫猶子為復停柩在堂哭泣相

伴竟以哀傷殞命

郭氏戴公仰妻年十八于歸五載夫歿誓志不渝坐一小樓紡績自給八十餘始歿

戴氏郭達梁妻夫死即不欲生以有姑嫜在終身謹事之得兩人歡心持躬嚴代人恕稱爲閭範

謝氏曹珽玉妻二十六喪夫姑隱以改志相勸氏矢死靡他卒時年六十六

黃氏袁子全妻年二十六子全歿以養親教子爲嗚氏守夫遺言奩貲頗豐盡出以供甘旨延師之費年七十有九子舉後列贊序

謝氏邑庠生曹增光妻二十五而寡貧無以爲生撫一子艱苦備嘗紡績教讀娶媳王氏二十六生孫而子又亡姑媳共撫孤守志人稱雙節云

劉氏張篚妻年十七守節貞潔自矢雖內戚往來罕見其面中堂燕笑不聞其聲歷蒙旌節年八十而卒

張氏生員朱以隆之母年二十六夫歿緝繡以哺其子後以隆爲郡庠生吳學使旌之曰孀母德節

李氏王世符妻年二十八而寡撫二子嚴督就學以針紉佐養殮鄰里媼戚慶弔終身不與每值世符生辰忌日爰泣以祭年八十有一

俞氏郭維都妻年二十一夫歿撫襁保藐孤飲水茹荼歷四十餘年以苦節終

曹氏袁允升妻允升即世時曹氏年十八懷遺腹四月守此一綫不得從夫於地下米霜自勵六十餘年如一日至於孝事姑嫜親操井臼尤氏所素著云

王氏張泰詠之妻邑庠生張璉之母也年二十三而寡王氏矢志守節撫孤耐甘貧苦勉事舅姑雍正二年彙詳建坊年八十卒入節孝祠

何氏黃日翰妻二十八而寡生三子長子黃超入邑庠氏心一慰事姑至孝能順令不違夫無昆弟惟姊一人姑嘗鍾愛之後姊寡居而貧氏體姑意迎與同居三十年毫無詬厲氏六十而卒

袁氏樊文選妻年二十五而寡冰霜自矢孝事舅姑子長延師訓課邑有社倉之例即令子捐寢五十石以備荒歉雍正癸丑建坊旌表祀節孝祠

劉氏張泰符妻也年十六于歸生二子長甫三齡次甫數月而夫亡時劉年二十有二矢志撫孤而舅姑皆得痿痺疾不能舉動飲食起臥悉劉扶持供奉歷二十餘年無煩苦怨咨之聲年五十有五卒

俞氏楊萃五妻年二十喪夫生子甫數月矢志撫孤舅姑老

次孝養備至及卒喪葬皆盡禮雍正九年其子將娶婦忽
遭疾夭亡俞頻死再四因念宗祧撫夫大功兄光弼之子
為後年五十有四

陳氏康文宿妻年十七于歸暮月而夫死遺腹生一子竈冷
烟寒彌節撫孤劬勞備極後其子復天時陳年五十有二
鬱氣而終

黃氏監生鍾昇振妻事舅姑以孝著年二十四夫亡無出撫
幼侄賜麟為後舅歿與婿姑相依仰事俯育屢勉艱辛隣
婦聚處燕會多謝不與曰婦自有常職何暇為此媼黨悉
奉為家法姑年八十餘視聽不衰子克成立人謂此無愧

代終之義云

鍾氏庠生黃日讓妻讓死氏年二十有八子四皆多病氏保
護鞠育皆成立姑年八十七殷勤侍養節孝兩克盡云

黃氏庠生謝為中妻年二十四夫亡一子甫四齡丙辰寇亂
家室流離鞠子養姑備極艱辛年六十五歿孫曾列名庠
序者甚衆

溫氏顧鼎冕妻生子二齡而鼎冕歿時氏年二十有四矧然
以養姑教子自任不辭勞瘁人多賢之

張氏王文佐妻年二十夫亡有遺腹僅二月靡他自矢文佐
既無兄弟半載舅姑復相繼歿自遺孤之生以及於成穉

以理防閑保護不遺餘力乾隆十四年援新例給匾入
祠以旌

張氏楊文一妻也年十四歸楊閱四載而夫卒子甫逾月家
無次丁而翁姑在堂乃忍死鞠孤以慰二人既娶婦誕孫
四而子復即世且翁姑既喪家業中落無以為餬口計已
又喪其二孫惟曰鼎者差能傭作然其值不足以贍家食
氏雖老尚紆績以佐之苦節六十餘年歲八十有八未嘗
享子婦一日之養然安之泊如也

溫氏傅士遵妻歸傅七載生一子甫數月士遵疾卒氏年二
十四翁姑憐其少欲令他適矢志不從堅心撫孤事翁姑
以孝聞邑令賜額旌表

周氏姚元騰妻年十九生子甫週夫卒貞守哺孤歷二十二
載子亡無嗣撫侄孫繼子後兩月復夫於是再撫承祧百
折不回堪云疾風勁草

賴氏李陶甫妻年二十四陶甫歿子甫二齡矢志守貞持家
有法子登榮學成入邑庠適修學乏費常捐十五金為助
年七十終

鍾氏藍維揚之妻年十五歸藍四載而夫卒遺孤甫二齡守
貞鞠子紡績以給饗殮垂白舅姑髻齡孺子皆賴調護歷
三十餘年卒時五十有三

氏守節周妻年二十有二繼周死撫三歲孤操作勤苦勵
節四十餘載壽六十八終提學傳給額旌獎

蔣氏劉賦程之妻賦程死蔣年僅二十有二惟生一女矢志
守節撫侄為後供奉舅姑訓子娶婦劬勞備至及生孫而
子亡家愈窘困苦節歷四十餘年年屆七旬

張氏朱聖亮妻也年十五歸於朱嫺婦道二十四而聖亮歿
子僅週歲氏矢志苦守撫育成立敬事舅姑慈孝兩盡卒
年五十三

諶氏黃日華妻年二十五喪夫僅遺一子孀姑幼子熒熒相
依子偉烈既長為邑諸生已復早卒婦曾氏年二十四亦
僅遺一子遂與姑偕守素多疾而孝養不衰年六十先諶
卒諶年八十終

張氏郭德乾之妻乾年十九死張年二十守節時長子甫歲
半次子生甫三月張上慰孀姑下撫幼子敬謹劬勞二子
稍長延師訓讀歷三十餘年德言容工可稱無歉

何氏黃氏何乃貢生錢貽之曾祖母黃其祖母也一門雙節
兩代冰操乾隆三年題請建坊入祠

吳氏謝君講妻年二十六孀居二子獨理家務井井有條生
平嚴以律已恭以與人於子媳侍婢從無疾言遽色延師
課讀子若孫俱得成名雍正八年建坊旌表

何氏生黃超妻年二十三夫應試得疾歸姑亦患病何氏兩侍湯藥朝夕不倦姑方痊而夫遽殞撫子以節自矢奉養老姑不遺餘力

廖氏鍾龍驤妻二十一守節子方半齡冰心自矢父逼之改操百折不回雖家計窘迫日事紡績以佐甘旨閨門之內肅如也

曾氏黃昌仕妻年十六歸黃結縵五載夫歿育二子燃燈佐讀異子成名見貧不自贍者恒周給之人咸其德雍正二年捐社穀八十石以脩荒歉年八十七卒

謝氏黃益光妻二十夫喪誓不欲生以舅姑在堂恐重其傷乃清操自上鞠育遺孤家貧紡績不輟足不履外戶至性柔婉克嫻婦道得淡姑心

朱氏也庫生襄輔仁妻二十而歸相夫成名越三載而夫歿生一子甫二齡撫育稍長不以恩克義敬奉舅姑先意承志綜理家務綉以佐勤乎厥屬徃來禮義備至勸妯娌有賢聲後子若孫皆得成名壽六十一終

盧氏何世暄妻二十四喪偶相舟自矢承順舅姑教誨嚴方修橋梁施衣棺遇困貸不償者悉焚其券鄉里咸感戴之

袁氏謝國權妻年二十三生一子甫週餘夫遽卒矢志操

兒厄羸多病祈祝保延終身食素姑疾誓以身代及卒哀
毀踰常總攝家政食指千餘咸歸肅睦乾隆十二年建坊
旌表

賴氏謝文著妻二十而寡孤方四月夫家貧甚翁姑慰遣盡
再氏守愈堅荼蓼自茹曉夜女紅給饌翁姑微聞母氏欲
奪其志十五年不一徃四十後巔毛盡白族戚憐而賢之
李氏張首宣妻二十三而寡生一子甫二齡父母憐其少微
言諷之氏截髮自誓撫孤孀居內言不出事翁姑至孝庭
除中從無詬語人皆賢之

仲氏王世興之母二十四而寡遺孤三月矢志靡他盡婦道
奉養舅姑及姑亡復事繼姑曲意承顏仍不改其初心勤
而能儉嚴以課子孀居三十六年勁節冰操人無間言

張氏劉宗充妻十七而歸越三載而夫歿矢志守貞百折不
回時舅姑年老曲意承歡妯娌共稱孝順遺孤一齡莫綿
宗祧鞠育稍長不以姑息爲思延師嚴課得以成名年七
十餘

袁氏何宗魯妻年二十四夫卒遺孤襁褓矢節撫育翁老多
病袁日侍湯藥惟謹及歿喪葬俱無違禮子天駒長延師
教讀補弟子員

朱氏梁德名妻年二十四德名卒誓相從地下姑口幸有遺腹

小女六亦支... 四月而誕則男也矢志堅守
... 年五十四卒

曹氏俞世渙妻年十七歸俞二十四而夫亡氏幾欲以身殉
念孀姑之無養忍死留軀痛穉子之無依堅心不二躬紡
績茹荼苦養姑育子克成夫志里黨稱無間言

王氏臬承萬妻年十七夫卒卒二月而遺腹生男舅姑在堂
仰事俯育一以身肩里中稱之

曹氏二十適黃曰芹五年而寡遺腹生子稜鞠育成立復孝
翁姑生歿盡禮

劉氏郭懋樂妻年十八歸懋樂嗜學以刻苦成疾氏日禱祝
籲以身代及夫故幾不欲生姑慰之曰爾死二孤何托乃
強起就食順事舅姑次子天撫長子教誨成立孀居四十
年六十三歲

俞氏黃國維妻年二十三夫卒無子痛夫不祀撫姪紹堅為
後勵志事姑姑欲將產兩分之半與俞半與其夫兄文卓
俞以身不與外事且文卓為紹堅生父家業悉推掌之乾
隆十六年俞年五十三

張氏朱楚南妻二十三夫死清白一心勤紡績以奉舅姑以
慰其心生一子甫半齡鞠育成人燃燈佐讀里黨共稱賢
孝

夫遺命撫侄爲後姑病淹滯張日夕侍奉衣不解帶及卒
喪塋盡哀每朔望必設饌命子之墓所拜奠數十年如一
日乾隆十年題請建坊

康氏年二十二適黃士熹士熹貌不揚而婦有容德以故親
結姻甚相得也嫁四年而夫卒生一子二歲有富人子多
方謀娶之婦堅拒糟糠自矢苦節撫孤孤中年天卒媳嫁
又撫一孫乾隆十六年年六十有六

張氏江右昭妻生康熙四年年十七歸右昭舅沒姑存居室
三年夫行賈卒於他所乃撫一子爲後以養其姑衣鶉茹
粥年六十餘卒

鄧氏生員黃雲妻雲以才高不第一日遁跡不知所之時鄧
氏年二十餘無子以夫弟之子爲後天復以兄公之孫後
焉與媳殷氏俱守志不二

劉氏郭弘勳妻年二十三夫歿有一子時值草寇王雲龍俗
號割耳擾攘邑地諸人逃竄夫族無期服之親氏躬哀經
捧土殮塋抱子潛匿迨事平家徒四壁日惟剡績考縷從
事于箴管繚繚間以治生度日年七十五子孫林立受養
而終

江氏黃亨景妻亨景歿時江氏年二十有一撫弱子以事其

...世之孤以有成立金石之標有經秋霜歷冬雪
...者年五十四于乾隆十六年卒

劉氏陳家韶妻二十有四而寡懷遺娠生孤無舅姑之庇蔭
昆季之伙助熒熒自立子長復亡又撫孫焉六十九而終
戴氏陳善達妻夫得浴血之疾氏事之懇懃悉備竟不克廖
時戴年二十有四事孀姑育孩提不負夫托人稱志行純
潔

陸氏郭純修妻純修以運漕北上客死燕地舟次時陸二十
二歲聞訃憐仆自投于地者數矣以孤方在抱哀矜鞠育
携了迎夫櫬于江歸而寃宥之守志三十餘年

丁氏生康熙二十九年年十六嫁余三英四年而英卒生子
甫九月鞠育維殷竭力以奉姑嫜裙布釵荆安之為常苦
節凡四十餘年矣

黃氏表帝中妻氏年二十四而夫歿矢志撫孤績紉以俟家討
教讀婚配備極經營三十餘年如一日

王氏李禹門之妻年二十三歲其夫外遊絕跡家貧無子王
氏於夫服親中代為炊爨浣衣度日如同婢輩數十年無
嗟怨或勸其改嫁者王叱辱之後無有敢言及老不能自
食其力服親中乃無一憐膳者人皆哀之年七十五卒

陳氏黃文江妻年二十二夫歿遺孤三歲陳矢志撫育事繼

姑備極孝順紡績不輟以度歲月子長婚娶教讀以繼夫志卒年四十五

張氏施天秀妻年十九夫亡生一子甫七月矢志自守孤常患疾張懼不延更撫姪日琮為子後孤果夭復撫君靜之次男為嗣孤後以綿兩世宗支舅姑雙存克盡孝道朝夕不懈里黨稱節孝云乾隆四年題請旌表

鍾氏蕭文沛之妻也年二十二夫病篤訓以自便自為之計鍾淚落應以守孤守志之言夫死子甫一歲永持勁節克凜清操常織機以供饗殮檢夫遺書以督子勤學子璉為邑諸生母子歡然洵足嘉也年五十四

傅氏何且昌之母年十七于歸十九而寡子甫五月傅氏夫志堅操劬勞敬謹事堂上老姑媳代子職撫膝下孩提毋兼父行節孝可徵允堪褒典年六十有三

鍾氏劉宜朋妻夫亡鍾氏矢志堅操冰心確守方輿遺孤甫成不意及寇緣拊其媳劉氏年十八亦割髮自誓兩世同貞族憐稱之

朱氏胡昌鑑妻年二十二夫卒遺孤數月守志撫孤家貧繼姑遇之虐屢欲奪其志朱曲盡恭謹日夕嚴備孺長姑望老朱勤紡績以養積其餘資為子娶婦延令子孫至世家人誦其節孝皆為之墮淚云

藍氏黃天賜妻年二十三夫歿翁亦相繼棄世連歲遭大喪
氏葬夫及翁拮据營辦人咸難之撫二子養老姑食貧一
室或勸改嫁則號泣誓天哀動里閭至今壽八十八歲曾
立數十人以為節孝之報云

黃氏戴熙皞妻年二十一夫歿子甫三歲家貧苦節撫孤成
立敬事舅姑今年七十乾隆四年題請旌表

朱氏袁惠卿之妻年二十五孀居遺腹生子勵志米糠食貧
茹寒事姑淫儀不懈鄉里推崇乾隆七年題請旌表壽八

十而終

信豐縣志卷之十一終人物下

信豐縣志續編

人物志下

賢孝 烈婦 節婦

按通志列女傳本縣載元陳有諒妻明黃信義妻葉氏

張珍妻謝氏李寬妻黃氏朱從正郡縣志皆作朱從政妻劉氏呂

仲德妻祝氏劉數妻俞氏甘士傑妻許氏汪洪郡縣志皆作汪

洪度妻錢氏吳昌巖妻何氏曹禾妻袁氏吳拱冕妻劉氏

黃堂妻俞氏曹希彬母江氏郡縣志皆作曹松妻曹某妻謝氏張

廩妻曹氏甘某妻吳氏查郡縣志即甘士价妻國朝劉士遴妻

王氏戴士升妻嚴氏張泰詠妻王氏趙昌宋妻張氏劉

照海妻曹氏劉某妻藍氏郡志同縣志載謝文炳妻戴蓮妻劉氏曹

鉉縣志同縣志作曹鉉妻甘氏李某未婚妻俞氏二十六人郡

志所載與縣志同惟遺黃日暉妻劉氏謝越妻曹氏黃

文汾妻陳氏三人 謝為龍妻俞氏縣志載謝肇允母曾潛張郡

志作曹潛妻張氏劉宗堯縣志作劉宗充妻張氏俞叔度張郡志作俞元裕

妻樊氏朱某妻湯氏縣志載朱映彩母梁德位妻李氏縣志載梁大魁

母除舊志已列傳者不錄外有通志已載而郡志遺漏

者一人及為郡志所先載者四人謹錄傳文於前以後

分載新採人物於賢孝烈婦等門以符舊志

明

曹某妻謝氏年二十守節坐卧一室至八十五卒見通志列女傳

國朝

謝增麟妻俞氏年十七無子守節舅姑多病奉養甚謹後夫

弟九雲娶室生子氏即立為嗣而九雲旋歿與妯娌共撫

幼孤以老乾隆甲午旌表見郡志節婦傳

謝啟振妻李氏年二十三守節養舅子宇照早卒媳張氏年

二十從姑撫孤李卒年八十三張守節四十餘年見郡志節婦傳

陽作霖妻楊氏年二十守節孝事繼姑子全震既娶天復撫

孤孫卒年六十三見郡志節婦傳

康士楨妻鄒氏年十八夫死守節乾隆四十三年旌表見郡志烈

婦傳

又按雍正二年建貞節祠祀旌表烈婦節婦今觀祠宇雖就傾圮而牌位猶可指數除舊志已列傳十一人不錄外其餘五人歷年已久徵信無由不列傳可也但既列之胥蠻在當時必有節孝可稱茲具列姓氏於此以著芳馨且俟後之君子博採而補傳焉

詳學校志貞節祠下

國朝

節婦

金氏邑庠生許殿邦妻

謝氏職負羅勝茂之母

胡氏儒學監負顧之仕妻

周氏儒童施天倫妻

劉門王氏

以上五人俱旌表入祠現有牌位舊志缺載

賢孝

高氏孝廉謝君毅繼妻廬陵高天益女以子肇清肇連貴

晉封太孺人幼讀女訓明大體翁任廬陵教諭于歸善事

一翁撫前子肇清恩勤備至偶嬉笑即呵禁之清既仕迎養

官署奉慈訓惟謹年逾四十始生子肇連少孤高以母代

父有過必切責之家法整齊賢聲浹閭里晚年肇連亦成

名重荷恩榮感然以盈滿為愆卒年七十有三邑令吳

士淳以善用嚴以成其慈誌其墓

劉氏李鴻宜妻事翁姑克盡孝養青年矢志撫孤相燦七歲相嬉五歲家無宿儲勤儉致饒裕訓兒孫嚴毅端方惜物力即以惜福年九十以壽終 封孺人

饒氏王捷甲母夫早逝家貧守節孝事翁姑承歡養志延師教孤禮意慇懃生子四皆成立長捷甲膺乾隆己酉鄉薦請封父母贈饒孺人次章錫次廷儀皆太學生季敬誨邑庠生諸孫名噪黌序

黃氏張渭濱妻姑年逾七十患癰疽潰血不止氏日吮之至憚其穢夫患癰痺飲食起居悉賴扶持歷久弗懈家世業

農氏獨課子力學子步蟾由郡廩入貢孫亦蜚聲庠序

張氏謝尹春母夫鵬九有至性服賈金陵氏洗腆致敬得舅歡心未幾夫歿遺孤十齡茹荼課讀俾至成人夫有二兄協營家業食指多至數百氏獨主中饋調劑歲勤戒逸均惠流慈數十年如一日年七十三終

謝氏生員黃暎妻謝昌之女歸黃姑先歿善事老翁十七年孝敬不衰夫弟融幼失恃卧病半載親調藥餌無倦病痊翁謂融曰非汝嫂無以生也當勿忘既冠謝出已奩為聘婦戚里咸稱其賢

藍氏謝建妻年十六歸建姑歿佐夫居喪盡禮夫弟幼提攜

撫愛以嫂代母繼姑遺子甫一歲氏乳養成立夫抱疾氏
虔禱願以身代病獲痊卒年五十二 贈恭人

章氏謝昌側室善事嫡生子四皆訓以正三子字位仕粵西
常佩母訓 馳贈孺人

施氏黃梅令謝肇清妻例封孺人善事繼姑兩隨夫任理內
署諸務得宜絕口不問官事生子五勤劬備至恭儉好施
鄰里寡婦德之孫曾繞膝年九十猶耳目聰明

曹氏謝縉妻姑卒哭盡哀成日疾勸夫置妾撫妾子如己出
下逮臧獲無疾聲厲色五十餘年坐起一室戚黨鮮識其
百卒年七十五 封恭人

陳氏謝肇修側室甫歸侍而嫡亡善事舅姑子五嚴督以立
品務學三八膠庠以次子宗任蠡縣 贈孺人

邱氏李相灼妻相夫力學善事姑理家政外內無間言年近
九旬以壽終

劉氏生員謝予誠母父故光邑廩生教以女訓通曉大義及
歸善事舅姑無違夫子誠生甫六齡夫遊京師入太學當
差 內廷滯都門十餘載氏辛苦備嘗教穉子立身修行
迨夫歸而誠已成人矣隨任山陰官署猶不脫荆布風勸
夫知止先挈眷旋里葺敝廬為退休計卒年五十有八北
平門人鄭奎雄誌其墓

德興縣志卷之二
五
祺壽

李氏王燦池妻年百歲

袁氏陳文畧妻年九十八

烈婦

汪氏江南常州人歸謝孟章年二十四夫死家赤貧遺孤四
齡哀慟欲絕念孤兒無托茹荼鞠養夫弟從蜀歸憐嫂窘
勸改嫁不允因私與李某約偽以往蜀賺嫂升輿比至李
門忽聞人云新婦至氏大駭墜輿號泣歸取刃斷指誓不
欲生夫弟愧謝願撫姪氏曰叔能愛姪天或者使吾夫有
後吾可見夫於地下矣未幾果絕粒卒族人荅傳其事

俞氏謝榮壽妻進士俞世治曾孫女年十九夫死無子氏哀
慟盡禮殯殮畢旋自縊

廖氏戴洪璧妻監生廖培光女歸洪璧德容兼備夫病篤徒
行三百餘里至田村禱神不應夫卒無子氏哀慟既殯殮
即自縊

邱氏黃士瑞妻年十九夫歿遺一子氏哀慟不欲生姑勸以
撫育孤兒氏號泣不已士瑞殯殮畢即自縊

節婦

蕭氏熊萬浩妻年二十五夫卒遺孤維珊甫七歲無期功親
疏族設計謀嫁氏恐為所奪棄安息故里攜子遷贛邑依

舅氏居處難終託復攜子歸邑之楠峽守茅屋數椽含酸茹苦及維珊年壯語曰爾克樹立雖流離困頓吾無怨也卒年六十三

劉氏李端儀妻孀居守志五十餘年豐城鄉進士胡以準為序以紀其實邑御史楊銘亦有贊

盧氏賴亨愆妻年三十一夫死于半齡父母欲奪其志不從惟勤紡績課子夜讀康熙十五年嶺南流寇義其閭不加剽掠鄰里亦賴以免卒年七十有五

李氏王隆柱妻國學生王兆甲之母年十九隆柱逝兆甲尚在襁褓氏守志撫育教以義方教諭李霖旌以節比松筠

後子即世氏隱痛終事舅姑卒年七十有五

曾氏王明昂妻年十九夫歿無子撫新承為嗣年六十一教諭林大定旌以松節晚榮卒年七十有九

何氏黃曰烜妻年十四歸曰烜歸六年而夫逝年七十有二卒無子一女奉其翁世成命撫夫弟曰燦之子玟為嗣勗讀食餼膺貢女適張姓年二十八守貞年六十五卒曰烜從弟曰燕之妻謝氏年十九守貞六十九卒遺腹子璠娶鍾氏年十八守貞六十八卒遺腹子士鏞姑媳孀孤誨訓成人甫入庠而天邑稱為黃門四節

張氏謝芝妻生負張拔萃女幼知大義及歸芝姑病侍湯藥

惟謹年二十四夫歿矢節鞠遺孤勉紹書香族人肇清為
立傳卒年七十

謝氏監生賴思經妻年二十二夫歿生子二長謙光娶邱氏
次韜光娶劉氏謙光韜光俱早死氏勵二媳同守節教諸
孫以義年七十八終

朱氏謝肇淳妻年二十二夫卒矢志撫孤姑患氣痛氏撫摩
澈夜無倦夫弟肇漣幼提攜愛護甚愜姑意夫兄肇清迎
養父母於官署氏守家園耐辛苦三十餘年冰霜勵節以
夫弟肇漣官山陰 賜封孺人

王氏李光都妻夫死子世華生逾月養姑勗子撫姪如已出
姑喪盡禮服屬同炊庭無間言守節五十五年卒

賴氏謝性貞妻太學生賴騰輝女嫻姆教年二十六夫卒矢
志撫孤足不踰閨四十年族黨咸嘉其節操

張氏賴同升妻年二十二夫亡遺孤克茂甫三歲氏事姑育
子備極荼苦甫生孫而子又亡卯翼穉孫憲邦成立年八
十三而終

曾氏蕭國瑛妻國瑛暨其伯季相繼亡妯娌皆以無嗣不願
終守氏年二十二獨矢志撫兆祧為子茹荼五十餘年親
見其孫成立

劉氏謝東魯妻劉唐舉女年十五字謝未成婚而夫卒氏聞

訃奔喪柏舟自矢即不歸省以女身守志撫姪學趨承祀
茹藥完貞族黨無間言卒年七十二

貞女王氏名四英黃文湜妻興國王宗伯思軼女隨父宦京
邱文湜訃至四英潛泣以哀痛成疾將死泣請父歸葬信
豐宗伯不忍附葬先塋與國令題曰貞女王四英墓

江氏廖啟峻妻年廿七而寡生子一父憐其貧勸之嫁不從
矢節撫孤善視夫弟年七十九歲

劉氏熊熙雯妻生子元傳正章熙雯即世劉年二十八守節
教子督學潘世恩旌以藥節筠貞元傳早夭妻曾氏年二
十四無子正章以其子學相繼之曾倣姑矢志訓子以義

方入庠食餼劉年八十有四曾年六十有五姑媳守貞一
門雙節

劉氏張運鼎妻年二十九而寡姑嬰痼疾竭力扶持翁老遺
庶子德馨弱齡失怙氏鞠育之令孤余軒余昂偕叔負笈
從師俾克成立現年逾六十

王氏呂瑞熊妻二十而寡遺腹生子勵志撫孤善事舅姑以
慈惠撫夫幼弟年七十有二

蕭氏王隆榜妻年二十一而寡矢志鞠育幼子中年復夫家
徒四壁紡績以自給年踰八十

李氏王廷珍妻年二十夫歿遺一子甫三月氏守貞鞠養得

孫一曾孫四年七十有六

謝氏吳渠遠妻渠遠以祖喪哀毀成疾卒謝年二十九撫孤象賢入泮七年而歿與媳陳氏共勵冰操孫基亦入郡庠謝七十有一陳六十有一卒

溫氏李相燠妻年十九孀居遺子光本夫弟亦幼皆撫養成立雍睦一堂 封孺人

謝氏 贈登仕郎康鳳聽妻貢生謝逢貴女年十九夫亡撫猶子桂為後比長嚴督就學桂能成立援例 封氏孺人未幾病亡氏撫二孫勉媳四氏共勵冰操辛苦二十餘年

人稱雙節

四

姚氏王述冕妻年十九夫亡無子撫心脾為嗣事姑敬謹父母欲奪其志遂不歸省外家餽遺一無所受年七十卒

謝氏曹榮甲妻舉人謝君毅女年二十九夫卒撫姪為嗣矢志鞠育善事老姑貧而無怨母黨夫族交稱其賢卒年八十

何氏張正品妻年二十一夫死遺腹生子矢志守節卒年七十有九子堯瑞善承母志孫席珍力學成名

賴氏劉增佩妻年二十而寡遺腹生子事舅姑孝養備至撫孤成立年八十二而終

曾氏謝學暄妻龍南貢生鹽課大使曹敏傳女年二十六夫死無子撫姪培福為嗣孝翁姑和妯娌守節三十三年五

十九歲而卒

胡氏李文照妻年十九生于八月夫凶才立撫孤辛勤備至年八十一而終

繆氏李時統妻年二十三夫歿于甫一歲茹荼鞠育俾得成立孫曾繁衍卒年七十有六

鍾氏謝玉成妻幼歸謝遭舅喪依姑紡績年二十九夫亡姑媿慟隣里憐聞矢志養姑撫子茹荼三十餘年姑享遐齡二子貴戴黃帽皆成立

錢氏張承寶妻年十八而寡撫立峰為嗣立此天再撫立山上事翁姑下撫繼嗣孝慈備至荼蓼自甘積憂成疾年五

十一而卒

邱氏謝廷魁妻居山陬年二十九而寡遺一子墾山田以供衣食舉三孫而子歿借孀媿凜冰操教三孫成立年垂八十表氏何秉純妻年三十夫死無子撫姪為嗣守節至八十五卒施氏謝學曙妻年二十三夫卒于天撫姪培禧承祀能曲體舅姑意主持家政諸叔教養婚配皆氏悉心經理恪守禮法足不踰閭數十年

劉氏王德淦妻年二十七而寡子幼姑老苦癱疾氏侍奉榻前寒暑無間姑歿喪塋盡禮子成立卒年五十有八鍾氏謝徽五妻年二十八夫病歿氏矢志撫孤辛勤備至孫

復遭短折撫二孫成立偕媳許氏共凜冰操現年六十五
夏氏賴蘇橋妻年二十九而寡撫孤昌賜入武庠卒年八十
有三

張氏謝鑑清妻年二十三夫死以堂姪培程為子舉一孫而
子卒張訓媳以大義共勵堅貞食貧三十餘年無怨悔

周氏王俊藻妻年二十二夫死無子撫姪世熙為嗣事姑孀
勤鞠養備歷艱辛年五十有八子入庠

歐陽氏謝宏起妻年二十三夫歿生子不育乃撫姪為嗣矢
志鞠養成成人卒年五十有六

吳氏王德章妻年二十夫亡子生甫六月上有孀姑氏矢柏
舟家貧鬻奩易田數畝為仰事俯育計姑卒復鬻田以營
喪葬苦節六十餘年八十有四卒

賴氏謝景于妻年二十三夫死撫二孤遵夫遺命善事父母
堅貞守志三十餘年

邱氏王隆林妻年二十一而寡撫兆魁為子年甫一週教養
成立入成均氏年逾六十而卒

張氏謝須廷妻年二十二夫亡遺腹生子培柘辛苦鞠養數
以義雖至親有喜慶不往賀守節四十年柘服膺母訓舉
報耆民

賴氏劉增桂妻年二十九夫歿遺孤二清寒守節年七十有

一終

廖氏何正乾妻三十夫死守節子八歲撫養成立年八十卒
劉氏邑廩生江宗海妻年二十九夫豐才晉壽遺一子天撫
堂姪為嗣道光二年兒媳偕歿家計亦替氏茹苦撫三孫
現年六十有五

劉氏邑庠生熊森妻翁故氏年二十八遺二子翁姑在堂氏
守節敬養年六十有五

謝氏周榮選妻年二十九而寡遺子五齡守節撫孤孤卒復
撫孫承祀年七十而終

王氏舉人王捷甲女年十八歸黃方位生子一天氏年二十
七方位卒撫子泰斌守節事姑年五十有三

黃氏郡增生江宗泗妻年二十七夫歿遺一子天幾不欲生
奉姑命撫夫弟宗清長子維英為嗣訓以義方英食餘孫
五氏現年六十六

林氏謝象治妻年二十六夫亡遺孤四齡教養成立現年六
十有六猶并白親操

賴氏鄧秀芬妻年二十四夫卒遺腹生子勵節撫孤辛勤理
家務以詩書訓飭子孫現年六十有九

甘氏黃士蘭妻年二十二夫亡矢志守節上事八旬翁姑下
撫五齡穉子卒年七十二

李氏王繼坡妻繼坡歿氏年十九生子式甫三歲氏勵志撫孤教養成立式入郡庠氏年八十有一卒

何氏賴飛隱妻夫死氏年二十四撫孤勵節事姑惟謹隣里稱之

羅氏姚璞園妻年二十一而寡遺腹生女撫姪為子早夭勵貞守節敬事孀姑復撫姪麗榮承祧卒年五十有五

劉氏曾越峰妻年二十九夫死守節現年六十五歲

劉氏謝三輿妻年十九而寡耐貧苦養老翁撫穉子守節三十九年

郭氏曠大洞妻年二十六守貞無子撫夫堂兄子為嗣子成

立翁姑賴以仰事現年六十

王氏謝品聲妻年二十五而寡子甫十月鞠育成人家貧藉紡績以事姑自忍饑餓戒其子勿令姑知姑卒勉力營葬年五十有五

曹氏袁步魁妻年二十四夫死家貧守節撫子繼夫嗣早卒復撫孤宗祧賴以不墜年六十有五

謝氏胡名標妻年二十一夫歿無子守節至五十七歲而卒黃氏謝和羹妻年二十八而寡家貧生子不育翁勸之嫁不從以叔子承繼人咸稱其賢

張氏江大街妻年二十四夫歿無子撫姪為嗣守節四十年

卒

丁氏謝秀雅妻年二十四夫死遺孤二齡守節撫育卒年五十有八

戴氏黃季韓妻年二十七夫歿無子撫好承繼家貧勵節四十年

張氏曾朝舉妻年二十三而寡遺子甫二齡姑年邁氏守貞仰事俯育歷艱辛五十年

陳氏蔡兆秀妻年二十三孀居無子撫姪為嗣守節四十九年卒

袁氏曾五瑞妻夫客死金陵氏年二十毋憐其失所力勸改

嫁氏引刀斷指誓以死守撫姪文光為嗣卒年七十有七
鍾氏葉登巒妻年二十三夫歿無子撫姪為嗣勵志四十三
年

鍾氏葉登市妻年二十而寡矢志撫孤守節四十一年卒

劉氏葉元青妻年二十一守貞撫孤肇祥成立卒年五十有

一
邱氏吳運鴻妻年二十六而寡鞠養二子成立善事翁姑年
六十七而卒

仲氏王萬鑑妻年二十九守貞善事舅姑子世興入國學教
之施與不私其有卒年六十有三

鄒氏王其裕妻年二十二守節無子撫夫弟之子為嗣卒年七十有三

郭氏俞明佳妻年二十一夫亡遺一女無子撫姪為嗣翁姑年邁生事死葬盡禮茹藥飲冰終其事憂勞而卒

王氏李希魯妻年二十八夫死矢志撫孤拮据教育侍奉老姑二十餘年姑歿喪葬如禮族黨稱其節孝

溫氏邱桓九妻年二十九夫死撫遺孤成立終其身冰操自凜

賢孝蕭氏拔貢王全仁妻南康訓導蕭應晟之女孫庠生蕭穀詒之女也生而端靜嫻女訓不苟言笑仁計偕北上議

作十年留京計氏力成其志撫養子代奉甘旨深得舅姑歡動僮自持和睦婦似先仁奉賢孝之聲感當無間言附

信豐縣志卷十二

藝文志一

奏疏

論說

謚法以經緯天地 為文孔門他謚不置喙而獨兩論公
 叔文子與孔文子 孔子自言亦曰文不在茲乎然則文
 之重于天下也久矣百世聖人之道非此莫之傳也然
 知道者代不數人 天下之大猶不易得况在一邑乎而
 一邑之事亦非文 莫傳故凡係乎邑事之沿革廢興民
 生國計者存之以 志其始末若奏疏等類亦載焉者以
 史體核之宜入本 傳本傳不存宜入藝文此其義也其
 他有係于人之輕 重者則亦載之惟傳銘不別具如其

人之行誼詳於先上風有定評則於本傳詳明其誌傳
之人名而不錄其又以其事皆已入之本傳也故文者
載道者也事華而道存乎其間矣天下豈有外事而為
道者哉道之著否則又其人賢否之所在故文者人物
賢否是非之所由判者也謂之文人而人之能以文著
者有幾乎孔子曰君子不以言舉人不以人廢言則于
人論人於言論言之道又未始不並存於其間然則是
固不可以一端廢也要以義裁之使其無悖于道焉而
已矣揚子雲云一闕之市不勝異意焉一卷之書不勝
異說焉一閱之市必立之平一卷之書必立之師以書
之不可無決擇也又曰事勝辭則仇辭勝事則賦事辭
稱則經而志者以事勝者也而又取乎文勝以言之無
文行之不遠不朽者三是其一焉將品藻實錄俱于是
焉在可徒曰藝焉而非道而忽之弗載乎

奏疏

李子昭 有傳

奏減錢糧軍需科派疏

臣謹奏為陳言民情事伏覩詔書內一款天下軍民利病許
諸人直言無隱欽此欽遵切照臣原籍北平保定府博野縣
第十八都人洪武二十一年三月初四日到任以來縣治空

虛先因廣寇周三官作耗人民流離室家相棄逃移廣東福建投生度活遺下本縣田地山塘頃畝俱各拋荒水拚沙塞湧生樹木不堪畊種錢糧課程軍需科派城磚弓張歲辦一應無人應辦拖欠等項臣等夙夜憂思惶惶驚慮照得本縣原係殘破裁減縣分洪武初年原管稅糧里分四十六里官民田地山塘八百五十九頃五分四厘九毫秋糧正耗米四千五百一十四石四斛五升二合五勺洪武十三年欽奉聖旨明文天下丈量田地山塘不分遠近壠坑排乾嶺坳高臺低窪有無源流一概丈量加增一十三百九十二頃四十四畝一分秋糧正耗米六千四百九十一石一升三合六勺洪武十四年撰造黃冊田地頃畝里分照舊造報洪武十八年被廣寇劫掠攻破城池人民逃移別郡徵辦不前伏望聖恩垂鑒愚情欽減幾分錢糧軍需科派優免幾年疲瘡有賴為此臣當萬死難報聖恩臣誠惶誠恐稽首頓首謹奏

請建守禦千戶所疏

臣謹奏為軍民便宜事臣北平保定府博野縣第十八都人白八才前除山西大原府臨縣縣丞得代再除前職洪武二十一年三月初四日照得本縣所屬田地拋荒人民流散盜賊蜂起官軍征討累歲不寧後蒙總兵官統兵到縣軍馬往來臣迭辦縣事接應支給晨夕不暇後因本縣遞年錢糧課

稅逋欠不完已經將各項事件不避斧鉞具實進奏欽蒙准
旨勅令本縣再行取勘得殘民止存七百餘戶猶守孤城一
座其餘四野皆爲菁茅臣申鳴上司減革給田赴京朝覲會
集耆民士庶李得輔等詢問所由將何良法得以平治常據
荅曰本縣所屬地方僻在江西窮源之地民本蠢朴蓋因地
接廣東峒獠素習狠克前元丙子年間廣寇陳三鎗等作亂
延蔓汀州贛州民不寧居前元江西行省熊平章等領軍來
縣并龍南安遠等縣收捕暫寧回兵之後殘黨再發前甲午
年復命南康寨兵萬戶抄兒赤等領軍前來本縣開設屯田
萬戶府衙門調兵在于本縣所屬并龍南安遠等縣除見在
人戶民田聽其自耕將應有逃亡荒閒田土軍人立屯亦種
自後殘賊聞風驚畏不敢犯境民獲安妥至庚戌年間無事
清寧住罷屯田將萬戶抄兒赤等調回南安府把截庾嶺梅
關贛州萬戶府調軍來縣守鎮後于丙辰年間盜賊生發世
事擾攘廣寇作亂又復來境殺害良民甲子年間幸蒙皇上
命常國公統率雄師克復贛州府城池本縣官庶詣軍前納
款歸順之後天下大定民賴以安洪武十八年又因廣寇周
三官楊烈侯作耗連年不息節次蒙上司調兵收捕未寧復
蒙總兵官征南將軍統領大軍親臨巢穴將各賊擒獲殘賊
潰散官軍回兵其潰散賊徒仍于四境不時出沒劫虜牛財

復為民害若此進兵計捕其廣東地方山林深遠殘賊竄伏無由擒獲如蒙設法相度地方在于本縣龍南安遠會昌及廣東等處于賊人經行水陸截要處分設屯營布種田土且守且耕毋令入境不戰而息軍免征勞之苦民得復業而安據其所言係于軍民便益允愜時宜豈容緘默臣萬死生不避誅戮待命之至謹具奏聞

甘士玠

有傳

請發帑金賑濟並寬織造疏

題為地方災遭異災人情洶洶懇乞聖恩垂憐財貨重地賦稅所出煩苦倍常無論內帑金花御用袍服歲有常供其他

種種徵輸千頭萬緒總是民間膏血所恃以無恐者時和年豐耳不意今四五月來霖雨異常洪潦滔天田中無麥無秧四望皆白小民無居無食萬井為墟强者搶奪成風弱者死亡相枕帶饑在路慘目傷心除照例馳疏奏聞及蠲停改折事宜候司道勘議到日另行籲請外弟人情洶洶莫必其命竊恐搶奪者或至謀動干戈死亡者業已盡填溝壑勢難再待臣不得不以地方非常之變仰覬皇上非常之恩皇上所捐者甚微而所益者甚大在聖慈一默斷而速行之耳臣查浙省自皇上御治以來惟萬歷十五年大水十七年大旱是歲末軫念重藩特發帑金十萬兩遣官放賑數年災黎賴以

二十二年來民間誦皇上活命之恩如出一口今歲
災傷過于萬曆十五年之水同于十七年之旱郡邑蓋藏如
洗司農計畫已窮惟願大恩俯照前例慨發帑金十萬兩容
臣等酌量被災重大去處分投給賑俾顛連之衆得須臾無
死更爲國家供萬年之賦稅夫民當窮苦之時易于見德自
下收拾人心端在此舉臣讀宋史紹興二十八年湖秀紹興
諸處被水欲除民間積欠宰執令戶部具有無損歲計狀上
曰止令具數便于內庫發還朕于平時無妄費所積原備本
早耳本是民間財儘爲民間用復何所惜至今以爲美談皇
上其咨在念饑溺由已真堯舜猶病之心豈宋高宗可得而
擬且平時所積更無妄費若僅以十萬金錢爲百萬生靈之
命皇上寧有愛焉至杭嘉湖三府以織造袍緞之役公私財
力罄竭無遺頃臣初到地方即爲具疏乞恩寬減該工部覆
奉欽依將未完六運之數每年量寬一運及莊誦明旨一則
曰覽奏非不知浙中疲困一則曰該省財盡民窮無計措處
則織造之爲地方累聖明素所鑒知倘地方稍可支持臣何
敢登爲竇擾今不意復遭異變民間杼柚皆空將何項錢糧
辦茲重費臣乞皇上俯查該局不至十分缺乏將應給未完
袍緞暫行停止姑俟二三年間民困稍寬再議補織與夫不
時傳奉織造紵絲紗紬等項俱望俯停數年倘遇必不容已

之需亦待前項袍緞通完之日另行傳織且前項料價該二十八萬三千兩有奇向係工戶二部辦二分本省辦一分今戶部庫藏空虛既無實助且日索舊逋而工部又別難議處是此費皆責望於本省計將安出惟查浙省每年額定商銀三萬八千八百兩鹽稅銀二萬六千兩皆半進內帑半解工部今工部一半雖已留充織造而所少尚多如未完各運之數難以停議合無將前二項稅銀應進內帑之半共銀三萬二千四百兩併留本省抵充料價蓋充留者不過太倉一粒而地方受惠奚啻肉白骨而生之也且所賑者皆緣皇上之赤子所留者仍充皇上之御用在皇上只一開口而千易萬易在該部雖欲措手而千難萬難至於內帑多金決無積而不散之理散之善是謂財散而民聚足以樹恩散之不善是謂悖入而悖出足以基禍皇上聰明天縱豈其見不及此而待臣詞之畢也伏願皇上毅然獨斷將臣乞造二事亟賜允行佇見明詔一頒歡聲四佈一敢爲亂者天下萬世誰不仰大聖人之作爲一也不然者緩不及事蔓且難圖其時乃治臣妾亦無濟矣臣年來見中外脊脊多故每欲剖露與封疆未敢越俎談天下事今在浙言浙且當秋安得不爲百萬生靈昧死微惠安危呼吸總在聖裁干冒



命之至

黃大節有傳

冊立疏

太常寺博士臣黃大節為元輔謀國依違以致綸音空反儲位竟虛懇乞聖明深維宗社之計俯納廷論之公速行冊立以昭大信事項者元輔王錫爵上疏以答諭失詳乞恩認罪改正奉聖旨既是如此俱不必封少俟二三年中宮無出再行冊立欽此夫寢並封則三皇子之名號不至混而無別俟三二三年則冊立之典又非杳然無期臣等似可相安于無言矣惟是在廷之臣自正月二十六日以來紛紛藉藉所謂

焦心蒿目而思連章累牘而奏者謂皇長子有生之日業已祭告郊廟覃恩兆庶儼然以主壺居之不當一旦抑在王位非徒謂王封之盡可已也苟儲官定矣則皇第三子五子即從冊立之吉同日而封可也別日卜吉而封可也以首重在建儲而分封可次舉也今但寢並封而皇儲未定是始假封王以陰奪元子之尊終藉寢封以陽塞言者之路恐諸臣所以議不宜封之意不如是也又謂我朝家法原無立嫡之規蓋所重在早定國本以計安宗社不容一日少緩何嘗姑待之而限以年也故家法誠當守矣宜自今酌所輕重遂行冊立由此而中宮無出任之也中宮間一有出任之也以皇后

母天下元子即其子而嫡庶非所論也今仍主待嫡而特以
俟至二三年爲言則二三年之後中宮孕育猶未愆期皇上
既可突生待嫡之說以改前詔于今獨不可堅持此說以改
今詔于後詔復一詔年復一年是皇上終無必信之旨儲宮
終無必立之時恐諸臣所以請法祖而急冊立之意不如是
也然則皇上今日稍易前旨雖爲嘉納元輔之言而實無以
副諸臣之望元輔以改正得請雖若少救其咎之失而終難
以追誤國之非臣請得盡言而後斧鉞誅之可乎夫朝廷設
彌弼之臣而又猷隆于首相者正以其能決大疑定大冊見
于未事之先立斷于當機之頃不顧宮府不恤利害直以
國是自持者也元輔歷仕三十年素負重望非今日所稱議
高天下介藐三公之臣乎而建儲一事倡議於十八十九以
至於今年殆無虛歲其長之當立而孫當待與立之爲違祖
而乖齊祖先輔又豈不考據甚謹而講求甚明乎宜昨者密
音曉門事有定見何至惑于祖訓嫡庶之條遂蒼黃迷昧至
此也脫或以率爾奉命惶惚失真奚妨速集僚寮再揅舊章
務求至當雖稍羈君命于家亦所以珍重大典不爲玩愒何
至急遽操觚輒外兩次輔與謝避禮臣科臣之見迨具答矣
始借書于馮庶子琦爲事後之考而先乃徑行其所宜也既
而諭旨降矣群臣起而譁矣有上疏公然糾責其非者有致

章自効之其是也。挽回上意何為止上密揭除所未見不知于內云何即據所見者亦不過掇拾諸數語稍稍遮飾未嘗剴切力爭如曰以宗社大計不欲居名以赤心為主不敢漏洩一字亦何用此軟語為哉臣以為但患大計之不定奚惡居名但患為主之不真何嫌漏洩跡其言若自以為識體要其實未免見為支離如謀國無狀一疏其中且云衆口鑠金衆力撓權是明居已于是而居人于非也又云以一身之計而言則皇上恩重當排群議以力持是徒知有身以怙恩先失所以致身而報恩也凡此皆非臣之所敢知也往者舊相申時行當同內閣以建儲奏牘并列其名彼乃具揭私辭自謂不知人以為巧于逢君善于賣友而熟滑于固寵然竟以論罷不足齒也元輔自視品格何如時行然閉門立說諭旨既已失之精詳乃揚言老成見許又竊私自為文倘所謂時行之故智非耶說者謂二相皆吳人雅相善也凡宮禁之有款作用之機權近習得以授之時行時行得以傳之元輔其然乎請以此為元輔決去就矣今海內人士所為拭目延頸而佇望元輔之新政者孰有大于建儲一事即元輔不遠數千里奔命叱馭而前絕裾而至恩以答皇寵而懌衆心者亦孰有大于建儲一事若徒瞻前顧後首鼠兩端僅僅但

塞責不思竭誠盡力務以回天恐群望既失
道事君斯亦不當安耳獨計我皇上久虛首揆以待其
來眷注方殷倚任方切不啻股肱心膂可令其不能致君行
道進退觸藩依依然務求必去之爲計耶臣以爲皇上如不
欲元輔之留則已必欲留之不得不速行冊立又不可不速
祛疑慮書曰蓄疑敗謀又曰疑謀勿成慎戒之也臣伏讀聖
諭動稱遲疑未決不肯擔當及無端受誣卿等何忍見之等
語仰見皇上疑以成苦胡乃爾哉即今祖訓之旨諸臣剖晰
昭然立儲惟長列聖成規具在矧中宮素篤鳩鳩之風朝野
久薰前星之麗爰舉大典以安主器此信今日之首務萬無
足疑者而皇上自以爲疑無亦別有所濡忍未一斷耶割房
帷之牽制屏群小之讒邪勿以私昵戕天性勿以小隙開大
釁防微杜漸思遠慮深又在皇上之早自悟耳語曰當斷不
斷反受其亂易曰迷復之凶反君道也皇上得無競惕而猛
省之乎昔漢高意不在惠帝留侯知其無可奈何乃招致四
皓羽翼之漢高一見而太子遂定人以此多四皓之賢與漢
高之善自反今錫爵雖不敢望四皓然以彼其高潔遣官敦
促兩反而始就道視四皓頗亦相近奈何漢儲之定祇以四
皓之來而今已懸儲待嫡反速元輔之去是不惟錫爵有愧

于四皓而皇上又豈可以轉圜而多讓漢高哉臣備員太常
得與聞于典禮而師事元輔又當以無隱為誼故不敢避忌
諱妄效狂愚伏乞皇上虛心睿覽以悟立斷以斷破疑確導
冊立原旨勿爽四時大信亟定國本杜絕禍萌俾宗社幸甚
元輔幸甚天下臣民幸甚臣雖碎首玉階萬死有餘榮矣臣
無任隕越待命之至


說論

陳獻章

號白沙廣東新會人理學名臣

養氣說

余嘗讀孟子至其論浩然之氣章慨然有感于其言涵泳反



原件短缺

余署篆信豐覽觀風俗考求利弊竅病者田歸異郡後累土
著其爲鄉人所有者殆四分之一耳於稽其故咸以異郡營
食吾民其植根也深而流蔓也遠殆非所以朝令而夕禁也
吁嗟其不然哉吾聞之孟子曰家必自毀然後人毀之國必
自伐而後人伐之故先儒以秦非能滅六國六國自滅也漢
非能滅秦亦秦自滅也至于有邑亦何獨不然彼異郡豈能
削信豐亦信豐自削耳今夫奕者之始奕蓋地相半也寢而
或侵焉又寢而或併焉何其終之相去若是耶由布置勝也
吾嘗深思其故而知信人之不異郡若者五焉彼異郡人之
莫衍于吾邑也朝夕課利至老死不怠其家居也蓋百無一

二焉而吾民殊怠惰牽家累此勤不苦也異郡人蔬飯惡衣
弟以爲耻蓋時而粥食而吾民自奉殊豐靡或以小南京目
之此儉不若也異郡人經營刀錐算無遺策而吾民慇直無
他腸此算計不若也異郡人自爲童稚時則已習律尺弄刀
筆而吾民安田野懵前經或不識官府此智識不若也異郡
人涉江湖踰嶺表弗以爲勞而吾民顧脆弱溺宴安此能力
不若也由是五者之不彼若也故財不得不匱財匱故不得
不仰面于人而彼時出其所有餽吾民從而愚弄之又從而
劫制之辟猶魚之困于釣獸之陷于罝雖欲不爲其所墜不
可得矣夫木腐而蟲生器虛而水入亦其勢然也曷不反其
本乎是故士勤于學則功業建農勤于耕則倉廩實其生裕
矣食之以時用之以禮其財節矣母利其財帛母受其籠絡
籌畫定矣談詩書習法律識見明矣勞其筋骨苦其心志精
力克矣辟猶元氣壯則寒邪自不能侵根本深則風雨自不
能搖雖有奸豪敢睥睨其傍哉嗚呼自見者明不必與之角
智也自勝者強不必與之角力也人皆歸咎于異郡余獨歸
咎于吾民誠由吾言十年之後而民生不富本業不復者未
之有也

甘士价 再見

撫浙勉在會諸生文

不佞詳於上立爲文會今既數月矣諸生亦知學之不容已乎夫身處世以文章干聲利之謂也吾輩既生而爲人便當思盡人道其六經四書之言皆聖賢示人以做人之方也今朝廷欲用賢人以平治天下而賢者未易得故先以經書教之使士子讀此書明此理屢試其文果通暢則以爲必能知聖賢之理必能做好人故登之科目以用之而付以治平天下之任諸生試思朝廷作養人才之意豈盡將聖賢經書令吾儕做文章博聲利已乎自學術不明習染大壞把聖賢教人做人意思全不理會蓋當其幼時父兄教以讀書不過曰他日可以得官榮身肥家而已彼讀書者亦自幼不知做人爲何事口誦而心違飾綺語以欺主司庶幾得遂榮利計而已此朱文公云只讀上太人時已錯了也所以身雖爲士而其心與市井競刀錐無異故俸得一科目便思囑托官屬凌虐鄉里虐而仕便思嚴虐膏血廣置田園一念專爲利若以爲時不可失也者至于百姓困苦國家利病視之漠然不知生平所讀何書所學何事即登高第陟崇階于世道何補且滋之害嗟嗟海內民生不遂禍亂相尋都由學術不明所致其終身不得一第或敗官而歸者又不勝日暮途窮之想益置其身于規矩準繩之外不復知所謂人道矣豈知此心此理原是與生俱生不論富貴貧賤顛沛患難皆不可須

克離者所以居下素位而行居易以俟窮必獨善其身達必兼善天下此之謂聖賢之學學者學此者也講學者講此者也無非欲人人反躬實踐各盡人道近則福家鄉遠則福邦國以仰副朝廷求賢至意以不失聖賢垂訓本心豈曰教者漫爲空談聽者聊應故事而謂之講學則何益哉兩浙風稱人文淵藪如王陽明先生做成千百年不朽事業其得力皆從學問中乘諸生今來赴會皆有志向學不徒如前所云以文藝干聲利者願從以自勵以希聖希賢爲期每日十二時中將自己身心着實檢點必無一念一刻不循乎天理無一言一事不遠乎邪僻在庠序則爲良士爲齊民示軌矜科目則爲賢臣爲天下造福退而不仕則與人共勉于善以維世風此則自孔孟源流以至今日以講明正學之本旨其倫物不出于良善友其工夫只在聽言動原無浚遠原辨迂濶與諸生相與切磋而力行之大家做個好人圖所爲于百年不朽之事斯文章甚世道幸甚

羅輔字泰和人

虛舟說

天曰太虛心曰靈虛道與德曰理虛天與心相禪心與理相一虛貫徹于上下古今觀之于器則可知矣谷不虛則漚不答室不虛則白不生川不歸虛則水無所洩人豈可不以

道之虛者自擬哉信豐上舍張友載道以虛舟副其字是以
器之虛者自擬矣吾知剡之剡之檣楫以虛備挽之推之繩
維以虛行懸帆掉風一日駕千里何莫非此虛之所致哉由
器言之則虛此舟以載物由理言之則虛此舟以載道虛舟
以載物人皆能知之虛舟以載道載道獨能知之予嘗詢其
舟之所以爲虛矣載道曰孔子云虛以受人此虛之體也老
子云致虛極守靜篤此虛之用也予之舟亦若是已予曰君
之舟其靈矣哉本之天而契于理可載道以往矣予復奚言
載道曰然

黃世成 邑人

桃江說

余考邑中桃江即古之夢水夢水即古之彭水也文獻通考
注信豐有夢水則夢水之爲信豐水審矣而彭水之在信豐
未有定說也漢書注云南壑有彭水東入湖漢當是時南壑
之爲地廣矣合大庾南康上猶龍南信豐皆是也而以爲在
信豐不亦誕乎其亦有據乎曰是不必遠引他書以爲証而
即以漢書注詳核之可也漢書注贛縣云豫章水出縣西南
北入大江豫章即今之章水也其注雩都云湖漢水東至彭
澤入江則雩都之湖漢水統今寧都瑞金安遠石城會昌之
水也豫章既爲章水則上猶大庾南康之水盡矣一水之外

無有大於信豐江者於東言湖漢於西言豫章而夾彭水於中則非信豐之水而何也既言豫章又言彭水其非一水又可知也彭水入湖漢水今信豐水合于雩都江則彭水之爲信豐江明矣而以彭水爲章水吳江張石里之誤也石里既以豫章水贛水爲章水又以彭水爲章水又以領水爲章水夫以豫章水贛水之爲章水是也以彭水領水之亦爲章水非也山海經曰贛水出聶都東山東北注江入彭澤西郭璞注曰今贛水出南康南野縣西北山海經又曰南方有贛巨人郭注云即梟陽國今南康郡深山有此物在康今有贛水以有此人因以名水水經曰贛水出豫章南野縣西北過贛

縣東此則贛水之爲章水之明據也贛之以水名非章貢合流之謂也酈道元水經注曰班固稱南野縣彭水所發東入湖漢水又引地理志曰豫章水出贛縣西南而北入江然則漢書地理志注乃班固之所自爲謂顏師古注者誤也以師古唐人而酈道元後魏人也道元釋豫章水爲贛水而並引彭水者以贛水合彭水皆在其中而張石里既以豫章水爲章水又以彭水爲章水則誤矣原其所以誤以贛水彭水俱云出南野也不知南野之爲地甚博贛水可云出南野彭水獨不可云出南野乎大庾爲南野地信豐獨非南野地乎漢時縣名止一南野舍是無以紀水故俱云出南野也又漢書

信豐縣志續編
有領水後漢郡國志云南野有領山隋志云南康舊曰顛大業初改名南康有廩山通考云信豐有廩山漢之領山石里以爲梅嶺不知其即信之廩山否也而夢水之爲彭水則因聲訛而致然耳邑之讀彭聲若飄蓬之蓬則彭聲者平去之聲耳如邑西有松林砦而今呼爲崇嶺砦北有巫漾灘而今呼爲烏浴灘以讀松若崇與不知巫水之漾而爲灘也然則夢水之何以變而名桃江也邑舊志嘉定橋注云邑令趙師俠更名桃江則未知其僅更橋名歟抑亦併江名歟今以爲西河之水固不應舍其大而舉其細吾故曰桃江即宋夢水夢水即漢彭水也

終

信豐縣志續編

藝文志一 論說

論

黃文對邑副貢有傳

呂汲公論

呂汲公相母后垂簾成元祐之治竟以竄逐旅死於信豐之南山寺舊有墓在南山寺右固其渴塋之地今猶在也以公之賢體魄殞於茲土宜專祀而論者或少之嘗攷公行事如罷劉摯引楊畏不能無疵史稱其朴厚恣直世遂以此少之于竊以爲不然昔漢高帝謂王陵少戇而屬之繼相曹參謂

以乎智難獨任而以安劉歸少文之周勃漢武帝初任智數
權術之徒幾危社稷及其悔之轉亡為存者在屬一朴厚之
霍光蓋天下任智數權術者必小人而敦朴淳厚者必君子
然世主往往以智數權術為能而以敦樸淳厚為不才以至
用小人壞其國世徒知小人有逢君之術而不知其智數權
術有以大得乎世主之心此小人所以易得志而君子所以
難見用也當哲宗朝司馬公已卒求可為社稷之寄者獨一
汲公耳宣仁后既知之及其將薨也曰公等亦宜早退令官
家別用一番人君臣母子間猶若是其難其言何悲也母亦
知哲宗好喜事而當時小人之智數權術足以勝汲公而

來之邵輦固已逆探哲宗之旨首劾汲公遂罷之恐後何哲
宗之愚也其曰大防樸直為人所賣之語復似深知汲公者
何耶論者遂以哲宗二三年後可復見之語咎大忠不應洩
之以致為小人所中使哲宗而知其賢其去之也何其速其
收之也何至二三年之遲乎意非以樸直稱汲公之賢究不
知樸直之必為君子也神宗用羣小亂國賴元祐之政保無
危亡至紹述之禍流於徽欽國勢遂不可支當時諸君子以
黨類自相攻訐惟汲公戇直無黨獨惜汲公為楊畏所愚然
當時為楊畏所附者不獨一汲公如蘇子瞻以文章氣節高
一世乃至從旁朗誦楊畏彈文以間范呂二公則汲公之引

之顯其明見不足也人亦大賢以智仁勇出而經世區區
智數權術足以敗天下事而懸直樸厚者必君子孔子
言武子曰其愚不可及也吾於汲公亦云或曰使汲公於
揚畏上疏時直斥其非則章惇呂惠卿不得進用不至釀成
美日之禍噫公之誤不在於斥揚畏上疏之日斯時也更何
及哉其引揚畏也是其任質而不學之咎也能無疵乎
說

蕭師諤字恂喟會昌人著念劬集

卷茶說

吾友黃子岷雪夢一老人授以卷茶二字拜而識之將揭於

燕居之櫺請客為之說客曰子積學力行豐於才而奮於遇
其或以老之將至而示以韜晦之意歟然吾子之年去服官
政不遠况遭逢

聖世以功名自顯卷而懷之非其時也

其或於世習浮夸以文詞相尚殆欲歛華就實卷其藏於

不露歟然吾子才大而矜文高而不靡樸樸遯遯一無所

炫其能此不待卷而自然不露者也若夫抱古道處今世斷

斷不可流俗非富貴利達之所能撓此直方之氣不可卷者

也子程子曰放之則彌於六合卷之則退藏於密密者天地

萬物之根變化彌淪之不可窮者也吾子致力於此是卷也

乃其所以不卷也不卷也正其所以卷也子其然吾言乎哉

謝君毅邑墓人志傳

六吉堂說

予祖謙若志高尚樂蔬水構斯堂讀易其中名之曰六吉先君子之歸田也坐斯堂詔予兄弟曰女輩知女祖名斯堂之說乎伯兄尹嘉對曰謙之所以獲吉者德威禮恭故也仲兄元吉則以鬼神福謙對先君子曰是皆傳義之說非女祖父望女輩自治之說也自治之說非周邵程朱之易乃女身心性命之易易六十四卦惟謙六爻皆吉謙以坤艮之地道合體者得坎中真乾之一陽以蘊於中為天地之心故能有以

成其中孚諸卦之變化以合乎後天流行之機今試以後天變化之理言之水火以氣五金木以質王二水合而流融兩火遇而熖并若金之與金木之與木則合之而不融遇之而莫并氣與質殊一之理不可見已然後天流行變化之妙則不以其質而以其氣質雖二而氣自一聖人恐人疑於質之二不可以一也故以同人之變離節之變坎者一其氣之可以一而以中孚之變益解之變恒大過與乾之變夬者一其質之不可以一者而皆歸於氣之可以一是故震巽二木也而益以震合巽解以巽合震震巽合於東而木之氣一矣兌乾二金也而大過之夬以乾合兌乾之夬以兌合乾兌乾合

於西而金之氣一矣若土歸於地地之外無土氣一而質未嘗有二聖人以坤艮合體而歸之於中為五氣流行變化之主宰而坤艮之抱一陽於中者為坤艮之主宰所以主宰者何也理也察於地理者察乎地中之有天一也是以質之二歸於氣之一氣之一歸於理之一此一本之所以萬殊千變萬化之不可以端倪也中乎同人夫過乾節解之變通於外順乎河圖之三八二七四九一六者小德之川流也謙之坤艮合坎陽於中法乎河圖之地十包五者大德之敦化也夫人莫不有質莫不有氣即莫不有理昔人謂變化氣質蓋以義理之性化氣質之性知理一則氣可以化矣知理可以

化氣則質可變矣理以化氣氣以變質七卦之歸於謙變化氣質之道也夫氣質之變化本於理理之發見徵於言動擬言議動者擬議之而衷於一也衷於一則理得而變化成變化成則吾之質真精妙合而凝之質也由是成性存存因純坤之體常抱坎體乾中之陽為天地真一之理以蘊於中中有主故能謙保合太極冲和之氣下濟而光明卑而上行居則觀象動則玩占自天祐之吉无不利其在斯乎尹嘉之質過於剛元吉之質過於柔悟斯堂所由命名之義能變其質之偏於剛柔者以適於中則勞謙為成卦之主其說不在乎發明傳義而在乎自治其身心性命焉耳矣反斯道也狃於

所謂以惡實心而棄其精傳所謂天奪之鑒而益其疾也人道惡盈無一而吉矧六吉哉斯說也予默識之不敢忘茲予老矣特推究祖父之教詔幼子肇澄登斯堂而勉之曰謙之致恭存位敬慎之道也敬慎存於中而後能擬議以發於言與動慎於擬議而後能變化出身加民發邇見遠有終之吉莫外是焉夫謙抱乾元之一陽在中至隱至微為天道真實无妄之體人心喜怒哀樂未發之根誠之至也中之至也天下之大本也小子識之欲知先祖名斯堂之說當以慎獨為本時乾隆辛丑仲秋月朔孫君穀敬書

王全仁邑拔貢有傳

省過說

欲寡過者必先知過欲知過者必先省過趙清獻曰所為事夜必告天不可告者則不敢為欲寡其過盖無瞬息不自省也過生於忽略而覺於詳審詳審得失則休咎立彰常令此心惺惺庶過無不知而過日寡故曰君子以恐懼脩省

反過說

患莫大於見人之過而不見己之過人之過析及秋毫己之過不見輿薪以此責人則虧公理違恕道范忠宣公云惟怒可以成德守一恕字事事反躬自責不輕較曲直即被橫逆

自有公論正之故曰君子以及身修德

